







M 1199

vgl. Nr 413 (Reisser)

diez. King 00 Rom.

ICONES

five

IMAGINES VIRORUM LITERIS ILLUSTRIUM

qui

Seculo XV. præsertim doctrina
Religionis aliarumque bonarum scien-
tiarum tanquam lumina in Germania
nostra claruere.

Olim

à

*Tobia Stimmero pictore suæ ætatis perfe-
ctissimo ad vivum expressæ & Nic. Reusnero
7C. cum brevi descriptione eorum vitarum
& operum in lucem edita,*

nunc

Reipublicæ literariæ bono iterum re-
cusæ & ab interitu vindicatæ cura
& impensis

C. A. Z. J. C. A.



Francofurti ad Mœnum,

Typ. BALTHASARIS DIEHLI.

ANNO M DCC XIX.

ICOMNES

five

IMAGINES
VIRORUM LITERIS
ILLUSTRIUM

Seculo XV. praestantissimum doctrina
Religionis christianae bonarum literarum
clarum exemplum habens in Germania
notum clarum.



C.A. J.C.A.

Printed in Halle

Typ. BALTHASARS DIEHL

L. 2, 50 64

M
cer
nos
non
&
u
qu
sen
obs
illa
dun
qua
sola
eos
tein
plu





PRÆFATIO

ad

LECTOREM.

Magna est ut sapientia, ita virtutis dignitas, magnaue pulchritudo, Lector benevole: eaque profecto tanta, ut si oculis formam ejus, & tanquam faciem cernere nobis liceret, mirabiles sui amores in animis nostris excitatura esset. Nam & propter hanc solam non raro eos, quos nunquam vidimus, vehementer & admiramur & colimus; adeoque magna ejus vis est, ut ea etiam in hoste posita nescio quomodo delectet, & quasi pleno ore laudetur. Quanquam vero oculorum sensus in homine acerrimus est, multo is tamen est obscurior & hebetior, quam ut species & pulchritudo illa virtutis ac sapientia recte à quoquam cerni, nedum planè perspicere queat, eoque non tam corporis, quam animi ipsius acies, intendenda est maxime, que sola lumen ejus atque splendorem cernit atque suspicit, eosque admiratur inprimis ac colit, quos ceteris antequam virtute & sapientia judicat. Enim vero refert plurimum, si minus perfectam undique & absolutam,

P R Æ F A T I O

at leviter duntaxat adumbratam formam ceu effigiem sapientie & virtutis, oculis quoquo modo intueendam contemplandamque proponere, bonorum & sapientium Virorum exemplis ac simulacris propositis, qua & ipsa animos Virorum bonorum honesto quodam gaudio compleri consentaneum est. Quam sane ad rem persiciendam, ut aliqua saltem ejus species oculis hominum exhibeatur, duo potissimum adminicula natura, vel ars ipsa potius, concessisse videtur, scripturam nimirum, & picturam, quarum illa aures, hæc oculos hominum mirabiliter afficit, ut bene de Republica meritos Viros, quamvis mortuos, scriptura beneficio, quasi nobiscum adhuc loquentes audire, & imagines eorum contemplando, pictura ope, tanquam presentes & vivos intueri & amplecti perpetuo nobis liceat: qua utraque re animos cum primis excitari & studio quodam incendi credibile est, non solum in audiendo legendoque, si quid pie recteque & sapienter ab his factum sit, verum etiam in eorum, qui cum laude vixerunt, expressos vultus intuenso, a quibus tacite quodammodo ad similem virtutis & sapientie laudem eos incitari, & ad facinora clara impelli, res ipsa testatur. Itaque apud omnes populos passim usu receptum fuisse videmus, ut eorum virtus perspecta foret in rebus honestis atque magnis, & qui bene de Republ. meriti, aut honore aliquo & imperio affecti essent, non modo laudes & vite, sed statua quoque & imagines publice exstarent, & ad posteritatem conservarentur, & hoc pacto eorum virtus & sapientia quasi in teatro & lumine publico, omnibus civibus intuenda, contemplandaque proponeretur;

quo-

quorum exemplo præclaro incitati alii, eam quoque magni facere ac colere in omni vita, & præclaram nominis sui memoriam, rebus præclare gestis, cum omni posteritate adæquare student: neque vero necesse est multa hoc loco ex veterum monumentis ejusmodi colligere, quæ in hoc genere doctrinae publicata & in medio sunt proposita, satis nobis esse poterit Musæum illud Jovianum tot & tantorum heroum, non literis solum & doctrina, sed & bellica laude illustrium, neque solum vivis verisque imaginibus, verum etiam elogiis utraque orationis forma exquisitè conscriptis, ita præclare instructum atque exornatum, ut nihil in hoc genere existet perfectius atque absolutius. Cum quo non immerito comparatur & quod ad patriæ dignitatem attinet, opus illud Iconum Theodori Bezae, ante seculum in lucem editum, in quo & ipso, præter elogia elegantissima, conspiciuntur ejusdem generis Icones & effigies Virorum doctrina simul & pietate illustrium, Germania præsertim nostra, & Gallia & Anglia, quorum præcipue ministerio partim bonarum literarum studia restituta, partim vera religio in variis orbis Christiani regionibus, patrum nostrorum memoria fuit instaurata: cæterum tam utrique huic operi sanè elegantissimo atque pulcherrimo, quàm etiam recentium authorum, proxime accedere videtur præsens istud opus typicum à Bernardo Jobino typographo Argentinense, magno studio, pari arte, nec minore sumptu adornatum, undique conquisitis virorum literis ingenique monumentis illustrium, præsertim Germania nostræ, veris & ad vivum expressis imaginibus; in quo delineando

P R Æ F A T I O

inprimis pictore usus fuit Tòbia Stimmero, inter primos suæ ætatis summo atque perfectissimo, sicut præclara ejus simulacra & opera in medio relicta, abunde contestantur: quod sane opus, quo perfectius atque absolutius in publicum prodiret, spirantes hæc mortuorum hominum effigies, sed per se tamen adhuc mutas, per Nic. Reusnerum ꝑ. C. quasi animari, & sua potissimum voce loquaces eas reddi voluit, ut non modo eas intueri, sed & cum his nonnunquam consistere ac colloqui, & quoties luberet, in consultationem quodammodo venire liceret iis, quibus animum ab ista quasi pictura imaginibusque sapientiæ ac virtutis, ad rem veritatemque iraducere collibitum est; hancce ob causam primo singulis Iconibus singula apposuit disticha, & his deinde opposuit eorundem vitæ & opera descriptiones breves quidem sed illustres, partim ex ipsorum monumentis, partim aliorum scriptis, Jovii præsertim & Beza olim summatim compositas, nunc vero iterum cum sumptibus quam plurimis recusas & ab interitu vindicatas. En accipe igitur, benigne Lector collectionem istam Iconum demortuorum clarorum Virorum, qui literis & ingenii monumentis illustres; Germania præsertim nostra inclaruerunt, quibus etiam intermixtos videbis nonnullos sæclarum invidioso studio celebres, in quibus omnibus maxime fuit propositum, ne vel calumniosè vel contumeliosè in quenquam dictum aliquid opponeretur, ex quo ulli mortalium aliqua inde crearetur offensio; neque enim de religionis potissimum controversiis intempestivè judicium ferre, hujus loci aut temporis esse

puta-

ad LECTOREM.

putavimus, de his enim judicent alii, ad quos
ea res pertinet; speramus autem vel planè potius
confidimus opus hoc typicum denuo recusum & è te-
nebris quasi erutum, omnibus bonis & literarum
amantibus non displiciturum; interim Vale optime
Lector, & frueri.

Wezlarix 3. Calend. Aprilis, Anno Salutis
Christianae M. DCC. XIX.



A 4

ÆPINUS

ÆPINUS JOANNES,
Theologus.



*Sacrorum antistes Hammonis in urbe fidelis
Illustrum summi dogmata vera Dei.*

Joan-

Joannes Æpinus

Hamburgi natus Civitate Saxoniae libera:

Præter multiplicem Linguarum & Artium humani-
tatis eruditionem:

Primus ex Evangelicis Vitebergæ, una cum Casp. Cru-
cigero & Joan. Bugenhagio, Sacrof. Theol.

Doctor salutatus

Anno

M. D. XXX.

Supremus Ecclesiae Hamburgensis Pastor & An-
tistes postea ordinatus:

Cui præfuit Annos XX. circiter, summa
cum Fide & Diligentia:

Saxonicar. Eccles. Fidem ac Religionem Sacrosanctam
& intaminatam conservans perpetuò:

Divino Numine

contra Edictum Cæsareum Augustæ de re
Ecclesiasticâ,

INTERIM,

Donec Synodus decerneret Occumenica infor-
manda, promulgatum,

Anno M. D. XLVIII.

Plurimis de Religione scriptis Libris optimè de
Republ. Christiana meritis:

Obiit Hamburgi M. D. LIII.

Ætat LIV. III. Idus Maji.

AGRICOLA RUDOLPHUS

Frifius.



*Primus ego Latiae cultor, Graique Camana,
Germanos docui Musica castra sequi.*

RU-

AGRIPPA HENRICUS CORNELIUS

Rudolphus Agricola Frisius

in pago non proeul à Groninga Urbe natus.

Cuivis summorum suæ ætatis vel ingenio vel Doctrinâ, vel Eloquentiâ par habitus.

Primo studiorum Tyrocinio Lovanii egregiè deposito :

Præter Græcas & Latinas Literas, omnibus Artibus optimis Ferrariæ in Italia ornatus, sub Theod. Gaza Doct. Clariss.

Demum Academiae Heidelbergensis Professor, & Disputationum factus moderator præsertim Logicarum :

Commentario in Lucem edito de Inventione Dialectica, sane pulcherrimo atque elegantissimo

Psalterio etiam ex Hebræa Lingua in Latinum fideliter translato :

Philosophiæ Aristoteleæ, interpres sui Seculi Princeps.

Obiit

Heidelbergæ Anno Christiano

M. CCCC. LXXXV.

AGRIP-

AGRIPPA HENRICUS CORNELIUS
Medic. & Jctus Eques.



*Singulis clarus Eques: Medicus Jurisque pe-
ritus,
Et sophus, & pariter sum Magus, arte potens.*
HEN-

Henricus Cornelius Agrippa

ab

Netresheym.

Armatae militiae Eques Auratus: Juris utriusque

&

Medicinae Doctor:

Carolo V. Cæsar. August. à Consilio & Archivis
Indiciarius.

INTER DIVOS nullos non carpit Momus:

Inter heroas monstra quoque infectatur Hercules:

Inter Dæmones, Rex Herebi Pluto irascitur omnibus
umbris.

Inter Philosophos ridet omnia Democritus:

Contra deflet cuncta Heraclitus:

Nescit quæque Pyrrhias,

&

Scire se putat omnia Aristoteles:

Contemnit cuncta Diogenes:

Nullis hic parcit Agrippa.


Contemnit, scit, nescit, flet, ridet, irascitur, infe-
ctatur, carpit omnia.

Ipse

Philosophus, Dæmon, Heros, Deus & omnia.

ALAR-

ALARDUS AMSTELRODAMUS
Philosophus.



*Si Logica laus est præcellere in arte, Rodolphum,
Par laus Agricola[m] debita meque manet.*

Alar-



AMERBACHIIUS BONIFACIUS
Alardus Amstelrodamus

Belga.

Literarum Græcarum & Latinarum
peritissimus :

in

quibus percipiendis Coloniae ac Lovanii plurimum ei
à pueritia fuit studii ac temporis.

Logicarum præsertim artium singularis
æstimator.

Quas postea in Academia professus Lovanii,
scholis illustravit doctissimis ;

Multorum præterea Græcorum auctorum,
maximè Hippocratis interpres
egregius ;

Operum Rudolphi Agricolæ fidelis
explicator :

Felicem sui memoriam ob multiplicem
eruditionem relinquens
posteris.

Obiit Lovanii Anno

M. DC. XLI.

AMER-

AMERBACHIUS BONIFACIUS

Juris-Consultus.



*Culmen hic est Juris, Themidi, Phæboq; di-
catus:*

Quicquid habet jus hic laudis, id omne tenet.

Bonif

Bonifacius Amerbachius.

Basileæ Rauricorum natus Anno M. CCCC. XCV.

Patre Joanne Amerbachio, cive primario:

Quo nullus suo seculo fuit, cum in excudendis Libris
nitidior, quod sumptuosæ dexteritatis est.

Tum in iisdem ad veterum exemplarium Fidem resti-
tuendis diligentior, quod eruditionem & Labo-
rem requirit.

Magister Philosoph. & liberal. artium in Patria saluta-
tus. Anno M. D. III.

Civilis sapientiæ ac Juris prudentiæ in Italia & Gallia
per studiosus:

In qua summum Doctrinæ gradum Avinione cum laude
consecutus est:

Quam multis postea annis publicè in Academiâ Basi-
leæ Professus,

Summa cum admiratione, & commendatione

Eloquentiæ atque Sapientiæ:

Reipubl. Christianæ, cum docendo, tum de jure re-
spondendo profuit plurimum:

Magnus illius Erasmi familiaris non modò in vita
amicus, sed & hæres, una cum Hieron. Fro-
benio & N. Episcopio

ex

voto nuncupatus.

Omnium seculorum Memoria Vir dignissimus,

Obiit Basileæ Calend. Februarii. Anno

M. D. LXIV. Ætat. LXVII.

B

ANHAL-

ANHALTINUS PRINCEPS GEORGIUS
Ascaniæ Comes, Præpositus Magdeburgensis.



*Ascaniæ Princeps, pietatis idoneus auctor,
Illustris præco gloriior esse Dei.*

Geor-

Georgius, Dei Gratia, Illustriss. Germaniæ
Principibus,

Familia antiquissimæ nobilitatis prognatus,
Patre Ernesto, Principe Anhaltino, Comite Ascaniæ
Bernburgi & Servestæ Domino &c. Anno
M. D. VII.

Princeps omnibus animi & corporis dotibus egregiè
ornatus.

Primis Studiorum rudimentis positus feliciter
Vitebergæ.

Quum rarissimo à multis seculis exemplo Sacrosanct.
Theologiæ totum sese addixisset:

Magdeburgensis ac Misnensis electus Ecclesiæ
Præpositus.

Optimi & Principis, & Pastoris, perfunctus munere:
Magna laude, & auctoritate propemodum Divina.

Quò felices illius subditi haberent, quem & in terris
Dominum agnoscerent, & ut Ducem in Cœ-
lum præ euntem sequerentur.

Singulari omnium virtutum sanctissimo exemplo sui
ordinis hominibus in medium proposito:

Quin & publicis ingenii præstantis, & sanctæ operæ
monumentis apud posteros relictis quàm
plurimis:

Obiit felicissima morte, completo Ætatis Anno
XLVI. XV Calend. Novemb. anno M. D. LIII.

APIANUS PETRUS.
Mathematicus.



*Gaudeat arifonus Ptolomæi nomine Nilus :
Certe Germanis sum Ptolomæus ego.*

Petrus

Petrus Apianus Benevicius.

Leusnica natus in Misnia,

Astronomus & Cosmographus sui seculi inter primos
summus:

Mathematicarum disciplinarum in Academia Ingolst.

Professor atque illustrator

maximus.

Carolo V. Cæs. Aug. ob id acceptus habitus

mirificè

à

quo,

Ob fidem magistrerii præstitam & Equestris dignitatis
ornatus titulo,

&

Honoribus auctus est

amplissimis,

Astronomicis instrumentis inveniendis admodum
insignis.

Opere egregio illo Cosmographico, unà cum aliis
quibusdam ejusdem generis monumentis, post
serelicto:

Pro se etiam filio hærede suæ Disciplinæ Philippo in
Terris substituto:

Mortalibus solutus exuviis,

in

Cælum rediit, animo immortalis, Anno

M. D. LII. Aprilis die XXI.

B 3

AVEN-

AVENTINUS JOANNES.

Bojus Historicus.



*Bojorum veteres renovavi gentis honores:
Complexus magnam fascibus historiam.*

Joan-

Joannes Aventinus cognom. Turmainus,

Abufina Bojariæ Oppido natus, Anno
M. CCCC. LXVI.

Post patriam Scholam Ingolstadii in literis egregiè
eruditus.

Luteciæ Parisiorum Magister bonarum artium salu-
tatus:

Quas multis dehinc annis Viennæ Austriae, Cracoviæ
Ingolstadii publicè privatimque Professor,

Neque ita multo post Illustr. Bojariæ Principum
Ludovici & Arnesti

Doctor constitutus:

Quo ipse munere cum laude defunctus, quum historiæ
scribendæ Studio flagraret mirificè.

Perlustratis Germaniæ ferè totius, ac præcipuè Boja-
riæ monumentis & Bibliothecis;

Magni vir laboris, summæque industriæ ac Lectionis
planè reconditæ:

Annalium relicto post se opere absolutissimo:
Satur ævi, satur gloriæ.

Obiit Ratisbonæ V. Id. Januar. Anno M. D. XXXIII.
Ætatis LXVIII.

In Æde Div. Heymerani sepultus.

BRANDUS SEBASTIANUS.
Juris - Consultus.



*Jurisconsultus poteram, & simul esse Poëta:
Barbaries seculi ni vetet ipsa mei.*

Seba-

Sebastianus Brandus.

qui &

Titio.

nominatus.

Argentorati Urbe Imperii Sacri tum Temporis
liberâ natus,

Anno M. CCCC. LIIIX.

Artium humaniorum Basileæ perfecto Magisterio
Quarum exornandarum atque illustrandarum Studio
flagrans incredibili;

Optimis quibusque auctoribus in publicum propositis
&

ab interitu vindicatis,

Magnum & Patriæ & sibi passim nomen comparavit.

Poëta pariter, & Jure Consultus Seculi sui eximius.
Præstantis Ingenii sui monumentis utrinque relictis
quàm plurimis.

Obiit Argentorati

Anno M.D.XX.

B 5

BREN-

BRENTIUS JOANNES,
Theologus.



*Tot lucubratus, tot Christo sancta locutus,
Ipse senex obo, non sine laude, Diem.*

Joannes

Joannes Brentius,

Weilæ Sueviæ oppido Imperiali natus , Anno
M. CCCC. XCIX.

Primæ laureæ anno Ætatis XV. secundæ XVIII. insi-
gnibus Heidelbergæ decoratus.

Admodum Juvenis divinas & humanas professus lite-
ras, magno applausu discentium.

Halæ Suevorum Ecclesiastes constitutus Anno XXII.
Reformandæ eâ in Urbe totaque Germania
urgâ cum M. Luthero & Ph. Melanchtone
auctor optimus maximus:

Magno cum discrimine vitæ & fortunarum:

Tubingam demum , auspiciis Huld. Ducis Wirte-
bergiæ evocatus,

Academix Commissarius & Antistes Ecclesiæ;
tandem

Stuggardiæ , Christophori Ducis vocatu , Pastor ac
Præpositus Ecclesiæ verè Apostolicus:

Quo ipse munere ad vitæ usque finem summâ Religio-
ne, Fide, Prudentia, Dexteritate, Industriâ, Vigi-
lantia functus est, maximo commodo Reip.

Christ. universæ.

Colloquiis Religioni componenda Imper. adhibitus,
Augustæ, Haganoæ, Wormatiæ, Ratisbonæ,
Tridenti.

Commentariis in Biblia Sacra universa exegeticis,
aliisque præterea Scriptis dogmaticis editis
clarissimis.

Obdormivit in Domino , Anno Salutis M. D. LXX.
Ætat. LXXI. Mens. II. Dies XX. Septemb. XX.

BUCE-

BUCERUS MARTINUS,
Theologus.



*Dum viro Ch ristum doceo: pro munere Cælum;
Dat Christus :negat hincPapa cruentus humum.*

Martinus

Sele
M. C
L

Restit

Cujus
mum
secul
nes

Is igit
n

Eduar
Ac

Quin

Quin
Relig

Quar
dir

Martinus Bucerus.

Selestadii celebri Alsatis oppido natus, Anno
M. CCCC. XCI. cui ex Dominicanorum cœnobio,
Lutheri voce, Wormatiæ coram Cæsare liberè
loquentis excito, variisque infidiis
post appetito.

Restitutam apud se Argentina (ut & Ulma) lubens
debet Ecclesiam.

Cujus & eruditionem singularem & zelum pietatis exi-
mium, cum eximia prudentiâ conjunctum, omnibus
seculis testabuntur, tum doctissimæ ipsius lucubrati-
ones, & in publicis comitiis disputationes habitæ:
rùm pro Ecclesiarum pace, quamvis non
felici semper successu, labores
exhausti:

Is igitur Theologus verè Aretius Bucerus, post vici-
nium integrum quo Argentinæ sacras literas in
Ecclesiâ & Scholâ docuit, in Angliam
demum profectus,

Eduardo VI. Religios. Rege vocante, Cantabrigiæ in
Academia Theologiam, summo cum doctorum
piorumque omnium concursu circiter
biennium professus.

Quum placida morte prid. Cal. Mart. M. D. LI. an-
num ætatis agens LXI. obiisset.

Quinto post anno, everso post Edoardi Regis obitum
Religionis statu, erutus crematusque anno M. D. LVI.
Martyrii palmam tulit.

Quarto rursus post anno, admirabili rerum vicissitu-
dine, sub Elisabetha Regina, judiciis adversus
innocentem publicè rescisso, in integrum
restitutus, Anno M. D. L.

BU-

BUDÆUS GUILIELMUS,
Jctus Consiliarius Regius.



*Sol utriusque vocor lingua Græcæ atq; Latine;
Haud satis hoc, Juris Sol utriusque vocor.*

Guili-

Guilielmus Budæus,

Lutetiæ Parisiorum celebri Literarum domicilio
natus & educatus.

Tum Græcæ, tum Latinæ Linguæ cognitione omnium
non modo Galliæ, sed totius etiam Europæ
longe eruditissimus.

Civilis imprimis sapientiæ & Juris prudentiæ laude
celeberrimus.

Senator Regius.

Supplicumque in Regia Libellorum Magister:

Quum perennem spectaret laudem, & rei familiaris
fortunas

Honoresque aulicos, ingenio suo, & sperata gloria
multò arbitretur viliores:

Sexaginta amplius annis in ocio literario consumptis,
ita

Ut summæ eruditionis Libro de Assè, alteroque in
Pandectas edito, ac infinita demum lectione con-
fectis commentariis utriusque linguæ, nulli
communicata laude, æquales omnes

Doctrinæ auctoritate
superaret.

Morum præterea sanctimoniâ

Vitæque inculpatæ insignis innocentia;

Piè tranquilleque vitâ excedens, abdicatis testamento
prius omnibus prorsus funeris & tumuli
honoribus,

Fato functus est, noctuque tumulatus

Anno M. D. XL. Ætatis LXXIII. Die XXII.

Augusti.

BUGEN-

BUGENHAGIUS JOANNES,
Pomeranus, Ecclesiae Witebergae Pastor.



*Quo doctore fidem profitetur Dania Christi:
Jesseæ Citharæ laus Pomeranus eram.*

Joan-

Joannes Bugenhagius,

Pomeranus, Julini natus Anno M. CCCC. LXXXV.

Primo studiorum tyrocinio Gryphiswaldiæ in Academia factò.

Literator juvenutis primùm Treptæ proclamatus, ac dein Presbyterorum adjunctus Collegio.

Lectiõibus operam dans Sacris & concionibus popularibus, demum Christianismo per Lutherum instaurato, Wirebergam evocatus

Anno M. D. XXI.

Summus Ecclesiæ Pastor & Academiæ Professor creatus.

Qua in statione ille toros annos XXXVIII. summatim fide, tum Diligentiam ubique præstitam, constanti. perseveravit.

ab

Omni prorsus alienus ambitione & avaritia:

Quum ad splendidos Pontificatus suscipiendos à summis Regibus & Principibus sæpius invitaretur.

Plerisque interim Ecclesiis Septentrionalibus, Daniæ, Pomeraniæ, Saxoniam piè rectèque constituentis operam præstans fidelem.

Tanquam Legatus Dei & Evangelista sanctiss. beata sui memoria relicta,

Obiit placidè Wirebergæ, annum agens vitæ LXXXIII. XX. Aprilis Anno M. D. LVIII.

C

BUL-

BULLINGERUS HENRICUS
Theologus.



*Sic dixi, sic vivo meis nunc demique Libris:
Ut nunquam videar mortuus esse bonis.*

Henr

Henricus Bullingerus.

Bremogarti, Helvetiorum oppido natus Anno
M. D. IV.

Embricæ primò, dein Coloniae Agrippinae literis eru-
ditus humanioribus; & in his Magisterii titulo
insignitus:

Capellæ dehinc ludo præfectus literario per integrum
sexennium:

Sacris post præfectus concionibus

in

Patriâ:

Tiguri tandem Pastor & Antistes Ecclesiæ in Zwinglii
locum suffectus,

Quam annis XLIII. singulari fide & industria
administravit.

Lucubrationibus propemodùm infinitis de Religione
partim Didacticis & Exegeticis, partim Polemi-
cis & Dogmaticis, passim in toto Orbe
Christiano nobilitatus.

Obiit senex Tiguri XVII. Sept. Anno Salut. Christ.
M. D. LXXIV.

Ætat. LXXI.

C 2

CAL.

CALVINUS JOANNES,
Theologus.



*Gallia me recipit doctore & Scotia Christum:
Pastorem sepelit culta Geneva suum.*

Joan

Joannes Calvinus.

Novioduni Veromanduorum celebri oppido natus,
Anno M. D. IX.

Lutetia primo Philosophia, dein Aureliani & Biring.
Jurisprudentia simul ac Theologia
exultus Studiis.

Basileæ totus Hebraicis addictus Literis;

Italia dehinc à limine salutarâ Patriæ valedicens Gal-
liæ, in Germaniam per Allobroges regressus,

Genevæ præter spem ac votum, non modò conciona-
tor, sed & Sacrar. Doctor literarum à S. P. Q. G.
delectus, Anno M. D. XXXVI.

Quâ in Urbe Christianam Religionem ac disciplinam,
Anti-Christi jugo liberatam cum Guil. Farello &
Pet. Vireto primus constituit, infinitis
cum Difficultatibus;

Ob quas deinceps Urbe aliquantisper excedens, Ar-
gentinæ interim Gallicanam constituit
Ecclesiam;

Restitutus demum Genevæ, summâ omnium volun-
tate, denuo instauratam Ecclesiam ac constabili-
tam, totos annos XXIII. continuos
gubernavit.

Commentariis in S. S. exquisitis, ac prætereà Libris per
multis dogmaticis, maxime de Eucharistia negotio
editis clarissimis;

Obiit ex Phthisi, vigiliis & jejuniis immodicis con-
tracta Anno Domini M. D. LXIV. Ætat.

LIV. Die XXVII. Maji.

CHEMNITIUS MARTINUS,
Theologus.



*Pontificum normâ decreta examino sanctâ :
Sit fidei testis Urbs tua, Bruno, mea.*

Marri-

Martinus Chemnitius.

Brunsvigi , Urbe Saxoniae liberâ natus Anno
M. D. XXII.

Optimis semper disciplinis Vitebergæ deditus
sub

M. Luthero & Ph. Melanchtone Doctoribus clariss.
Philosophus & Theologus
summus :

Antistes Ecclesiae Brunsvicensis , fidelis pariter
ac
diligens :

Multis egregiis de Religione scriptis libris , ac inprimis
Examine illo Concilii Tridentini in Publicum
proposito , toto Orbe terrarum
celebratus :

Cui neque Studio veritatis & bonarum artium , neque
laude officii facile quisquam esset
anteponendus.

Magno cum bonorum omnium luctu & dolore ,
Sibi quidem non præmaturè , sed admodum intempestivè
Ecclesiae

Evocatus in cœlestem patriam

Obiit

Anno Salutis M. D. LXXXVI.

Ætatis LXIV.

C 4

CIS.

CISNERUS NICOLAUS,
Juris - Consultus.



*Fus docui, dixique: scit Heidelberga; Palati
Imperii Schola scit Spira, forumque sacri.*

Nico-

Nicolaus Cifnerus,

Mosbachii Palatinatus Elect. oppido natus, Anno
M. D. XXIX.

Spectatæ vir industriæ, ac Virtutis:

Qui multiplicè exquisitaque omnium panè literarum
præstans Scientia:

Philosophiæ & Jurisprudentiæ Doctor
celeberrimus.

Academiæ primò Heidelbergensis Antecessor
Juris civilis solertissimus;

Dein supremi Camerae Imperialis Judiciæ Assessor,
per annos XIIX. integerrimus:

Projudex tandem & Senator Illustr. Septem Vir curiæ
Palatinæ dignis.

Per eruditus in omni Doctrinæ genere ac præsertim in
jure libris scriptis immortalem nominis sui lau-
dem, & gloriam apud omnes mortales reli-
quit sempiternam.

Justitiæ & Æquitatis Antistes ac Præses Optim.
Maxim.

Musarum, & Historiæ cultor eximius:

Piè sancteque mortuus decessit Heidelbergæ, Anno
Salut. M. D. LXXXIII.

Prid. Idus Martii.

Ætatis Anno LIII. Mens. XI. Dies VI.

COCHLÆUS JOANNES,
Theologus Pontificius.



*Patria Noris erat : sed mens diversa fidesq̃;
Pontificum calamo tutor, & ore fidem.*

Joan-

Joannes Cochläus.

Noriberga civitate libera Imperiali natus:

Multijuga instructus eruditione,

&

Sacris totus deditus literis:

Pontificiæ Religionis ab extrema pueritia sectator
perfeverantissimus;

Moguntia primò, post Uratislavia factus

Canonicus:

Magni illius Lutheri & Melanchtonis
adeoque

Orthodoxæ fidei Evangelicæ hostis
in omni vita acerrimus.

Summo & inexpugnabili cum his dimicans odio
in

Comitiis Imperii, & colloquiis Wormaciæ,
Augustæ, Ratisponæ:

Multis præterea & variis, pro Canonica Scripturæ,
&

Catholicæ (si Dis-placet) Ecclesiæ
Auctoritate

Libris in publicum propositis.

Obiit Uratislavia, Anno

M. D. LII.

COPER:

COPERNICUS NICOLAUS,
Mathematicus.



*Quid tum? si mihi terra movetur, solq; quiescit,
Ac Cælum, constat calculus inde meus.*

Nico-

Nicolaus Copernicus.

Torrinæus Boruffus

natus

Anno M. CCCC. LXXIII.

Mathematicarum Studiis disciplinarum erudi-
tiffimus;

Aristarchi Samii potiffimum paradoxa secutus:

Quam Terram mobilem, Solem in medio Univerfi
immobilem,

non tam re & veritate,

Quam specie quadam, & falvandæ Doctrinæ suæ
causa, constitueret.

Revolutionum tabulis in lucem editis,

unà cum

Canone Triangulorum:

Cætera Vir insigni pietate, virtute, morum humani-
tate præditus:

Moritur Septuagenarius

Anno

Salutis Christianæ

M. D. XLIII.

COR.

CORNARIUS JANUS,
Medicus.



*Quos Medicos laudet scriptores Græcia docta:
Per me nunc Latini nobilis ora legit.*

Janus

Liter

Theo

Med

Aliis

T

Janus Cornarus.

Cygnæus,

Summus Philosophus & Medicus excellens:

Literarum præsertim Græcarum & Latinarum cogni-
tione præstans liberali,

Qui

&

Theologos illos veteres, Basilium, Epiphanium, Chry-
sostomum, aliosque: præterea

Medicos Græcos, Hippocratem, Galenum, Aërium,
Latio donavit.

Alijs quoque Philosophis & Medicis Latinis, Mar-
collo, Macro, Merboldo, Adamantio, Par-
thenio, cæteris

Fideli opera & studio
illustratis.

Tum etiam Isagogicis & Dogmaticis quibusdam
libellis

in

Medicina publicè editis.

Æternum posteritati nomen suum consecravit.

Obiit

Jenæ Anno Salutis

M. D. LVIII.

Ætatis LVIII. XVII. Kal. Apr.

CRA-

CRATO JOANNES,
Archiater Cæsareus.



*Me Cæsar Medicum sibi legit Tertius : alter
Ceus Phæbus, Vates sum, Medicusq; potens.*

Joan-

CRUCIATA
Joannes Crato

à

Craftheim, Uratislaviæ Urbe Silesiorum
primaria,

natus Anno

M. D. XIX.

Præceptore usus maximè in Germania Philip. Me-
lanthone, in Italia Joh. Bapt. Montano
Medico excell.

Optimus & Philosophus & Medicus,
neque minus Poëtica laude, & literarum elegantia
vehementer excellens.

Cuius summorum suæ ætatis vel ingenio, vel digni-
tate, vel gratia, vel fama populi par;

Ferdinandi I. Maximil. II. Rudolphi II. AUG. G. G.
Consiliarius & Archiater per annos XXVI. poli-
tioris literaturæ Hierophantes; Hygiæ
& Panacæ Mystes:

alter ceu Galenus, & Hippocrates,

Utroque Medicorum Principe scriptis suis egregiè
illustrato clarus.

Propter insignem & elegantem doctrinam cum pari
humanitate erga bonos & eruditos conjunctam,
carus omnibus, ac venerandus.

Obiit, Uratislaviæ in patria, sine beato & optato:

Annum ægens LXVIII. anno Sæl. Hum.

M. D. LXXXVI.

D

CRU-

CRUCIGER CASPARUS,
Sanctæ Theologiæ Doctor.



*Lipsia dat Patriam: cathedram dat Leucoris alma,
Ac tumultum; nomen crux mihi sancta Dei.*

Caspar

Caspar Cruciger

Lipſienſis, Calend. Januar. natus Anno
M. D. IV.

Præceptore uſus in Patria Caſp. Bornero & Petro Moſellano domeſtico, amplius quadriennio;

Colophone ſtudiis ſuis Vitebergæ impoſito: trium
linguarum egregiè peritus:

Omni præterea liberali arte & Doctrina polius: Ma-
thematum præſertim, & Phyſicæ, & Medi-
cinæ ſtudiis excellens.

Summum poſt Doctrinæ gradum in Theologia
adeptus

&

Doctor ſalutatus,

Quam non viva ſolum voce, ſed & ſcriptis amœniſſ.
ingenii & fidei ſanctiſ. teſtibus,
plurimum

illuſtravit atque propagavit.

Fidus Chriſti præco, & fidelis M. Lutheri in opere
Domini conficiendo

Adjutor & Socius.

Obit in ſtatione ſua Vitebergæ, corporis viribus in-
genium minime adæquantibus, florente adhuc
ætate: Anno vitæ conſectō

XLV.

Salutis

M. D. XLVIII. Die XVI. Novemb.

D z

CURIO

CURIO COELIUS SECUNDUS

Philolophus.



*Cælo mens affixa prius mea, nunc quoque cælo
Vivit, quam scite Cælius ecce vocor!*

Cælius

Cœlius Secundus Curio.

Cyriaci Taurinorum oppido natus Anno
M. D. III.

Monticalerii educatus prima pueritia : Adolefcens
Taurini ingenuis imbutus artibus :

Quum ob sinceram fidei Christianæ doctrinam, quam
ab ineunte atate, spreta superstitione Pontificia,
amplexus fuerat, varias ab hostibus perfe-
cutiones, carceres, vincula pas-
sus esset :

Semper tamen post tot Eporidiae, Taurini, Lucæ in-
tentatas mortes atque flammæ, præsentissima
numinis ope mirabiliter ereptus,

Præcipuis Italiæ in Urbibus, ac præsertim Mediolani
& Papiæ, fama eruditionis & religionis suæ
passim sparfa,

Quum ob Pontificis Romani insidias amplius in Italia
se tutum esse non posse videret,

Lausannæ primò amplius quadriennio, ac dein Basileæ,
à qua & Magisterii insignibus ornatus & civita-
tis jure donatus fuit, Philosophiæ & Elo-
quentiæ studia professus annis prope-
modum XXIII.

Præclara sui memoria ad immortalitatem tum docen-
do, tum scribendo post se relicta,

Magna cum laude veræ pietatis & humanitatis, insi-
gnisque constantiæ

Excessit è vivis ætatis suæ Anno LXVII.

Salut. M. D. LXIX. ad VIII. Kal. Octob.

DRACONITES JOANNES,
Theologus.



*Tam benè tot linguis apto dum Biblia sancta,
Heu morior, morior? nunc quoq; vivo Deo.*

Joan

Joannes Draconites

Caroloftadius Francus.

Primo ætatis suæ tempore in studiis Literarum &
Doctrinæ Erfordiæ consumpto,

Quas eodem in loco honores adeptus scholasticos;
aliquandiu publicè & privatim cum laude
docuit:

Sacrofanctæ Theologiæ D. Vitebergæ renunciatus:
Post Marpurgi: deinceps Rostochii sacras literas
professus;

Dehinc Sambienfis Ecclesiæ Præsul constitutus;
Inde Vitebergam regressus, opus Biblicum quintu-
plex, ad instar celebratæ illius monumentis
veterum Origenis opere, ut & alterius
recentioris Complutensis, animo
agitans.

Cujus specimen in medio reliquit sanè egregium,
&
posteris admirandum;

Inter pios & sanctos conatus. Vir optimus & doctis-
simus, ac imprimis Linguae Hebrææ, Chaldeæ,
Græcæ, Latinæ, præter vernaculam
peritissimus,

è

vita evocatus,

Magno Reipublicæ & Ecclesiæ cum detrimento,
Obiit

Vitebergæ major Septuagenario, Anno Sal.

M. D. LXVI. die XVIII. Aprilis.

D 4

Ebe.

EBERUS PAULUS

Theologus.



*Qui fueram Sophia, Christi sum deniq; Doct̃or:
Si Corpus parvum, mens mihi magna sat est.*

Pau-



Paulus Eberus.

Kittingæ Franciæ Oppido natus,

Anno

M. D. XI.

Post Patriæ Scholam, ad spem uberioris doctrinæ
primò

Onolsbachium commigrans,

Æger anno vix exacto in patriam reversurus,

ab equo raptatus consternato, multis cor-

poris partibus miserabiliter luxatis,

magnam valetudinis suæ passus

jacturam;

Eâ demum confirmata, Vitebergam profectus, homo

in omni judicio elegantissimus, Philosophiæ

pariter ac Theologiæ studiis summè

deditus;

Summos in utraque sapientia tam divina quam

humana honores cum laude promeritus;

Professor tandem utriusque in Academia annis circiter

XXXVIII.

clarus ac eloquens;

Pastor præterea Ecclesiæ, & Antistes verus

vigilansque

Sacræ historiæ & Philologiæ inprimis

Studiofus,

Quam & compluribus ingenii monumentis egregiis plu-

rimum illustravit, & ad posteros propagavit.

Piè sanctèque obiit Vitebergæ

Anno salutis die X. Decembris MDLXIX.

Ætat. LVIII.

ERASMUS DESIDERIUS

Roterodamus.



*Quid Batavos rides? Batavus sum magnus Erasmus:
Magnus & ingenio: magnus & eloquio.*

DESI-

Desiderius Erasmus.

Roterodamus Batavus, natus anno
M. CCCC. LXV.

Sub Alexand. Hegio Doctore primis studiorum Da-
ventriae positus rudimentis;
Colophone dein Lovanii & Cantabrigiae & Bononiae
feliciter his imposito

Sacrae Theologiae Doctor Taurini creatus;

Ob incomparabilem in omni disciplinarum genere e-
ruditionem, & inexhaustam ingenii uberta-
tem, pari conjunctam eloquentia &
prudentia:

Quam immortalem sibi editis lucubrationibus innume-
ris comparavit, iis tantisper, dum orbis sta-
bit, superfuturus, ac eruditis ubique
gentium collocuturus.

A

Summis Pontificibus, Caesaribus, Regibus atque
Principibus orbis Christiani summè expe-
titus atque honoratus;
Phoenix Germania.

Omnibus modis Vir maximus, & ob ingenii morum-
que suavitatem verè Ἐρδωμιος ac planè potius
Desiderius?

Obiit Septuagenarius Basileae, cujus ille hospitio
urbis in primis matura aetate delectatus
fuerat,

A N N O
M. D. XXXVI. Eid. Jul.

FAGIUS

FAGIUS PAULUS.

Theologus.



*Querere, quis fuerim, noli: mens una, fidesque
Bucero mecum, vitaque morsque fuit.*

Paulus

Paulus Fagius

Palatinus, Tabernis Rhenanis natus Anno
M. D. III.

Primis studiorum fundamentis Heidelbergæ positis,
quum sanctæ linguæ studio arderet incredibili.

Sub

Capitone Doctore, cui postea successit, Argentinae ad
miraculum usque peritis. ejus evadens, ipsi Judæis
testibus Iſnæ primum moderator scholæ,
dein Pastor factus Ecclesiæ:

Petro Buflero, Senatore ejus urbis primario, Patrono
usus incomparabili, sancta in lingua exornanda, unâ
cum Elia Levita Judæo Veneto doctis. Argenti-
nam demum evocatus, & in ea (Constan-
tia urbe prius tamen reformata
etiam per biennium)

tum

Pastoris, tum Doctoris egregiè munus sustinens, tan-
dem periculosis. Germaniæ tempestate,

Cæsare victore,

Anno M. D. XLIV.

in Angliam abreptus cum Bucero collega & Synaspiste,
Cantabrigia vix salutata (heu) mortuus anno

M. D. L. Prid. Idus Novemb.

annum vitæ agens XLV.

Eandem quinto post anno cum Bucero martyrii pal-
mam, Marianis temporibus exhumatus ac cre-
matus, tulit.

Simul postea cum eodem sub Elisabertha Regina ipsius
memoria in integrum restituta.

Anno M. D. LX.

Fichar-

FICHARDUS JOANNES
Juris-Consultus.



*Fus Musis, Musas exorno jure vicissim:
Consilio prudens, eloquioque potens.*

Joan-



Joannes Fichardus

Patritius Francofurtanus natus anno
M. D. XII.

Optimus & Vir , & Jureconsultus :

Multa doctrina , plurimo rerum usu :
sub

Huldr. Zasio JC. Doctore multis annis Friburgi Brisgo-
viae in Jurisprudentiae studio versatus , & una cum
Joan. Sichardo summum Docturae hono-
rem consecutus.

Spirae Nemetum in supremo Imperii Germanici tribu-
nali aliquandiu feliciter exercitatus,

Patavii demum ac Bononiae ceterisque Italiae Academiis
confirmatus plurimum : Reipubl. Syndicus in patria
per annos XLIV. clariss.

Multorum praeterea Principum ac Procerum Imperii
Consiliarius Sapientissimus.

Plurimis non modo veterum Jure Conf. commentariis ;
sed & ingenii monumentis sui pulcerrimis & col-
lectaneis utilissimis in publicum editis
nobilitatus :

Decus eorum , quibus cum vixit , & patriae ,
imò Germaniae totius , & seculi sui
ornamentum.

Functus vita decessit Francofurti ad Moenum
annum agens LXX.

anno

M. D. LXXXI.

FLA-

FLACIUS MATHIAS
Illyricus, Theologus.



*Scire meum vis dogma? homo totus culpa, scelusque:
Quid blateras? urum sic Manichæus ero?*

Ma-

Mathias Flacius Illyricus

Albonæ natus anno

M. D. XX.

Cognoscendæ Evangelicæ doctrinæ ardens
magno desiderio:

Basileæ primò, dein Tubingæ, post Vitebergæ in studiis
pictatis versatus,

Linguae sanctæ in Academia Professor,

Dehinc bello Germanico profectus

Magdeburgum,

Quò loci cùm alia scripta dogmatica innumera, tum
opus illud historiæ Ecclesiasticæ passim notum
cum suis Collegis in publicum
protulit;

Jenæ tandem Theologiam professus:

sed

ob motam cum Viçt. Strigelio de libero arbitrio
controversiam implacabilem post quinquen-
nium dimissus:

Denique Ratisbonæ, Antwerpæ, Francofurti, Ar-
gentorati aliquot annis exulans,

Obstinatus dogmatis sui de peccati substantia semel
professi defensor,

Mortem obiit Francofurti ad Mœnum V. Id. Mart.

Anno

M. D. LXXV.

ætatis

LV.

E

FOR-

FORSTERUS JOANNES,
Hebraeus Theologus.



*Patria sit quamvis Augusta & Suevica tellus:
Arguit Hebraeum me sacra lingua magis.*

Joan-

Joannes Forsterus

Augustæ Vindelicorum natus Anno
M. CCCC. XCV.

Per multis Germaniæ Academiis perillustratis,
Linguarum præcipuarum potissimum
habens studium.

Vitebergæ Sacræ Theologiæ Doctor
pronunciatus,
ac dein

Linguae Sanctæ in Academia Professor longe doctiss.
habitus,

Quam & Lexico edito illustravit & amplificavit
plurimum;

Post fidelem multis annis Reipubl. Christ. navatam
operam.

Isdem studiis, quibus contentus vixerat, immortalus
feliciter.

Obiit

Anno ætatis

LXI. die XII. Decemb.

&

Domini

M. D. LVI.

E 2

FUCH.

FUCHSIUS LEONHARDUS
Medicus.



*Artem si Medicam spectas, novus ipse Galenus:
Si plantas, novus en exsto Dioscorides.*

Leon:

Leonhardus Fuchsius

Wemdingæ Rhetiaë oppido, natus Anno M. D. I.

Primis literarum rudimentis Heilbrunnæ positis,
per omnes honores ascendendo scholasticos:

Bonarum artium Baculaureus Erphordia salutatus:

Magister Philosophiæ Ingolstadii: & aliquot
annis post Medicinæ Doctor
appellatus.

Quam & publicè aliquandiu professus est eadem in Aca-
demia, summa cum fide & diligentia.

Post

Onolsbachii Medicinam factitans Princip. March. Bran-
deb. Archiaterus.

Inde Ingolstadium revocatus, sed religione obstante
Onolsbachium regressus,

Tubingam denique ad Medicinam publicè docendam
evocatur,

Quam ipse & ratione optimà, & oratione sapientissimà,
multis annis fideliter & studiosè explicavit,
omnium cum magna gratia admi-
rationeque.

Commentariis præterea innumeris, spectatæ eruditionis
atque scientiæ, in omni medicinæ genere pluri-
mum illustravit;

Exemplum diligentæ & laboris,

Decus & ornamentum Academiae singulare,

Optimè de præsentibus posterisque meritus.

Obiit

Summa cum testificatione & constantia, fideique in
Christo

Anno M. D. LXVI. Idus VI. Maji.

Ætatis LXV. feliciter.

E 3

GES-

GESNERUS CONRADUS
Philosophus & Medicus.



*Plinius alter eram, per me vis jam liquet omnis
Naturæ, ingenii vi superata mei.*

Con-

Conradus Gesnerus

Tiguri, urbe Helvetiæ primaria, natus anno
M. D. XVI.

Post patriæ scholam, Argentinæ primò, dein Biturigibus
Avaricum, & Lutetiæ Parisior. optimis eruditus
disciplinis

Laufannæ post Græcas professus literas per
triennium,

Basileæ demum supremam in Medicina laureolam
adeptus,

Tandem constituto Tiguri perpetuo domicilio,
Qui in urbe is & medicinam fecit & philosophiam
publico docuit stipendio, annis
XXIV.

Pietate duce, virtutibus reliquis comitibus, omnia
naturæ arcana perscrutatus:

Dum de aliorum utilitate promovenda magis,
quam de propria salute tuenda cogitat,
editis in omni literarum genere, præsertim verò
Medicinæ & Natural. philosoph. lucubra-
tionibus clariss.

Philologus & Polyhistor,

Germaniæ lumen, Helvetiæ decus,
Ecclesiæ, Scholæ, Reipublicæ, bonorum denique
omnium cum incredibili læctu,

Blandiss. eademque atrociss. pestil. absumptus,

Obiit Tiguri,

Anno

M. D. LXV. die XIII. Decemb.

Ætatis XLIX.

GAYLERUS JOANNES,
Cæsaribergius, Argentinensis Ecclesiæ concionator.



*Sacra docens, fidei monstro tibi lumina sancta,
Clarius Argyrope mox habitura decus.*

Joan-

Joannes Gaylerus

Alfatius.

Patria natus Monte-Cæsaris oppido Imperiali,

Perlustratis variis Orbis Christiani Academiis,

Præclaram non philosophiæ solùm, sed inprimis

Theologiæ studiis perdiscendis asse-

cutus gloriam,

quam

Ipse maximâ cum admiratione summæ eloquentiæ,

memoriæ, constantiæ, non uno postea loco,

publicè professus:

Literarum divinarum Doctor sanctissimus,

Sermonibus per multos annos sacris habitis præter

patriam,

Herbipoli, Basileæ, Friburgi,

Tandem sacris præfectus Argentiinæ concionibus in

summo Templo

Petro Scoto Consule prudentiss. auspice rem moderante

atque constituyente divinitus,

in quo

Munere versatus cum laude & gloria annis totis XXXII.

Tanto pietatis zelo, & tam claro innocentis vitæ,

vivæque doctrinæ exemplo,

Præcipuis Germaniæ Antistitibus, insuper etiam Divo

Maximiliano Aug. Cæs. carus ob id maximè

habitus.

Obiit

A N N O

M. D. X. Eidibus Martiis,

Ætatis LXXVI.

GRATAROLUS GUILIELMUS
Bergomas Medicus.



*Cara valetudo Medico sua, cara suorum:
Ut rectè valeas, te mea scripta docent.*

Gui-

Guilielmus Gratarolus

Bergomo ,

Galliæ Cifalpinæ oppido
natus.

Medicus pariter ac philosophus excellens :

Physiognomon inprimis , & naturæ speculator
solertissimus

Memoriæ & valetudinis tuendæ servandæque libris
accuratè pulcreque scriptis ,
celebris :

Chemicorum etiam præcipuorum monumentis uno
volumine editis ,

Aliõrum prætereà clarorum Medicorum consiliis
publicatis ,

Toto terrarum orbe cognitus.

Ex vita decessit mortali

Anno

M. D. LXVI.

GRY-

GRYNÆUS SIMON

Theologus & Philosophus,
Oppido Feringæ prope Basileam natus.



*Quàm pius & doctus, tam suavis moribus exsto.
Mente probus, vita sanctus, honore gravis.*

Simon

Simon Grynæus

Oppido Helvetiorum Feringæ natus & educatus:
Magnus Philosophus simul & Theologus,
qui

Virtutibus, scientia, vitæ probitate, moribus
maximus,

Linguisque Palæstina, Latina, Attica &c. non aliter ac
sermone plebejo usus;

tam propè Eloquentiæ Ciceronianæ accessit, ut nemo
propiùs:

fuit alter Aurelius sacris in literis;
Philosophiam

Viennæ, Vitebergæ, Basileæ multis annis publicè
privatimque professus est,

Multis egregiè Latinis & Græcis auctoribus suo nitore
& lumini restituit:

Sibi ipsi quidem fatis longævus, licet vigente adhuc
ætate mortuus, utpote cui nihil ampliùs quod
disceret, superesse videtur;

Cæteris verò intempestivè nimium ereptus, quos
scilicet, quò plura didicerat, eò docere plura,
Vir juvandis aliorum studiis natus,
potuisset.

Obiit

Basileæ ex peste, Calend. Augusti

Anno

M. D. XLI.

Ætatis

XLVIII.

GUAL-

GUALTHERUS RUDOLPHUS

Theologus.



*Sacra docens, scribens quoque sacra volumina: carnis
Sum patria civis, fortis Athleta Dei.*

Rudol-

Rudolphus Gualtherus

Tiguri, Helvetiorum urbe primaria, natus

Anno

M. D. XVIII.

Literarum tum divinarum, tum humanarum orqarus
egregia scientia,

Poëta æquè bonus, ac orator:

Pastor & Antistes Ecclesiæ Tigurinæ
celebris

Quam ipse annis amplius XL. concionando erudit
diligenter,
&

administravit laudabiliter:

Lucubrationibus in omni genere doctrinæ, ac præsertim
in Theologia, ad posteros transmissis prope-
modum innumeris clarus,

Quod vel Homeliæ ejus in libros ferè omnes Prophe-
ticos & Apostolicos, Evangelicosque abundè
testatum faciunt;

Morum gravitate, & vitæ sanctimonia
reverendus.

Obiit

Tiguri, annum agens vitæ

LXXIII.

&

Christiano

M. D. LXXXVI.

HAL-

HALLERUS BERCHTHOLDUS
Theologus.



*Me docet Agrippina Colonia : Berna docentem
Audiit hinc veri calica verba Dei.*

Berch-

Berchtholdus Hallerus

Helvetius, natus anno

M. CCCC. XCII.

Magni Vir ingenii, magnæque industriæ:

præter

Cæteras Germaniæ Academiæ Colonia Agrippinæ stu-
diis imprimis delectatus,

Prima in Theologia laureola ab ea
donatus ;

Post in patriam reversus, Bernæ primo Canonicus,
deinde concionator electus :

Colloquio de religione habito publico Badenis,
bis

cum Pontificiis Doctoribus
Eccio & Coldio ;

Primus Evangelicæ doctrinæ in patria amplectendæ
suasor & persuasor,

cum

Huldricho Zwinglio collega,

Republica Christiana constituta ;

Magno sui desiderio omnibus relicto.

Obit,

præmatura morte P. S.

M. D. XXXVI.

Anno Ætatis

XLIV.

F

HAR-

HARTUNGUS JOANNES

Philologus.



*Eustathio quantum, tantum mihi debet Homerus:
Cetera ne memorem, fama loquetur anus.*

Joan-

Johannes Hartungus

Milteburgi Ostrofranciæ oppido, natus anno
M. D. V.

Vir omni liberali eruditione
politissimus,

Magister Philosophiæ salutatus Heidelbergæ:
per annos XV.

Græcarum literarum ibidem Professor;
Friburgi, dein Brisgojæ per cæterum vitæ tempus
annorum

XXXIII.

Singulari cum laude veræ probitatis,
fidei, industriæ,

Poëscos ac historiæ mirificè studio
flagrans:

Plerisque Græcis ac Latinis Poëtis, & imprimis Ho-
mero, Apollonio Rhodio, Q. Calabro, non do-
cendo solum, sed commentando quoque
à se egregiè expositis atque illu-
stratis:

Multis præterea studii Philologici in medium propo-
sitis monumentis præclaris:

Obiit

Friburgi, senex anno Christi

M. D. LXXIX.

die XVI. Junii,

ætatis LXXV.

HEDIO GASPAR

Ecclesiast. Argent. Pastor.



*Si vocem fortasse meam Argentina requiris:
Sit viva vocis vox tibi muta loco.*

Gaspar

Gaspar Hedio Germanus

Etingæ honesta natus familia,
Friburgi Primo, dein Basileæ opt. art. studiis
eruditus.

Illic

Magistri Philosophiæ,
hic

Doctoris Theologiæ nomen adeptus.

Ac deinceps, vix dum renata in Germania Evangelii
luce, Moguntinæ Ecclesiastes constitutus

Anno M. D. XX.

post

Veritatis luce illustratus divinitus,

M. Zellio & M. Bucero tunc primum Argentinæ verum
instaurantibus Christianismum, adjutor

&

Collega datus

Anno M. D. XIX.

Summi Concionator Templi, fidelis pariter ac diligens
per

totos XXIII. annos.

Summus præterea Philistor & Polyhistor fide
dignissimus.

Obiit

Feliciter in Christo, magno sui desiderio cunctis relicto:
Die XV. Octobris M. D. LII.

F 3

HES-

Gaspar

HESSUS EOBANUS HELIUS

Poëta.



*Rex ego sum vatum : vatum Sol, Phæbus, Apollo :
Fesseæ fidicen maximus ille lyra.*

Helius

Helius Eobanus Hessius
 Tragocomi in Hassia natus Anno
 M. CCCC. LXXXIIX.

Magna vi & animi & corporis præditus;
 primò

Francobergæ in patria optimis eruditus literis,
 Ob ingenii, doctrinæ, virtutis præstantiam, omnes
 studiorum consecutus honores

ERPHORDIÆ:

Quo in loco ipse publicè privatimque docendo ut &
 Noribergæ ac Marpurgi operam scholis
 navavit eximiam;

Musarum & Gratiarum Alumnus;

Poetarum seculi sui Princeps, adeoque ^{Æariv} & Rex
 verè nuncupatus

Multis præclaris ingenii sui elaboratis monumentis, in
 quibus, ceu gemma, eminet opus illud Psalmorum
 Davidicorum verè sacrosanctum;

quo

Vel uno singularem sibi & spem gratiæ ac benevolentia
 divinæ comparavit, & admirationem sui, &
 caritatem reliquit posteris.

Tandem

Morbo consumptus tabifico
 Vitam cum Morte commutavit,

Ætatis LII.

III. Non. Octobr.

Anno

M. D. XL.

F 4

HUS.

HUSSUS JOANNES

Academix Pragensis Theologus.

*Ignem cremor; mens igne Dei pia flagrat: at igne
Corpus deflagrat, perfide Papa, tuo.*

Joan-



Joannes Hussus Boëmus

natus

in pago cognomine Husseniz.

Præceptore inter alios usus Theologo Joanne Wiclefo,

Anglo, primo Christianismi Reformatore;

Pragæ creatus Baccalaureus artium liberalium

Anno

M. CCC. XCIII.

Magister Philosophiæ anno M. CCC. XCV.

Sacerdos electus & concionator templi Bethlehemici

M. CCCC.

Decanus Academiae M. CCCC. I.

Rector ejusdem Anno M. CCCC. IX.

dum

Magno studio & zelo regnum Christi cœleste contra

Tyrannidem Pontificiam propugnare ac pro-
pagare studet;

Romæ primum à Pontifice Maximo excommunicatus

Anno

M. CCCC. XIV.

Post varia certamina & pericula,

dein

Creatus vivus, violata fide publica, ex decreto
pseudosynodi.

Obiit

Martyr Christi sanctissimus

Constantiæ

Die VI. Julii Anno M. CCCC. XV.

HUTTENUS HULDRICHUS

Eques Francus & Poëta laureatus.



*Martis eram, simul & Musarum fortis alumnus:
Laureola decus hinc nunc utriusq; fero.*

Huld-

Huldricus Huttenus,

Eques Francus, natus Anno

M. CCCC. XIIC.

Optimis eruditus artibus omnibus,
Minerva duce ac Magistra;

Literarum pariter, & armorum præstans gloria:

à

DIVO MAXIMILIANO I.

Cæs. Augusto

Ob excellentis ingenii vim ac probatæ virtutis
in bello Veneto laudem singularem;

&

Poëta lauro & Eques auro coronatus:
Acerrimus propugnator communis
libertatis,

Religionis Vindex, fideique rectæ constantissimus,
Partium semper studiosus ac defensor bonarum;

MUSARUM & GRATIARUM

Hierophantes incomparabilis.

Obiit

Anno Christi,

M. D. XXIII. Mens. Sextil.

Sepultus in lacus Tigurini insula Ufnavia,
à se Huttenica, hodiè
denominata.

HYPE-

HYPERIUS ANDREAS GERARDUS
Theologus.



*Flandria quem genuit, tegit Hassia, Martis in urbe :
Quâ fides docui dogmata pura sacra.*

Andreas

Andreas Gerardus Hyperius,

Hyperis, inclyto Flandriæ oppido natus

Anno M. D. XI.

Patre cognomine Andrea, clariss. apud Hyperas

Jure-Consulto

Post patriæ Gymnasia aliquam multa,

Philosophiæ pariter, ac Theologiæ studiis,

Luteriæ ac Lovanii eruditus,

Perlustrata ferè univèrsa Italia, Gallia, Germania,

Britannia, vitam sectarus perpetuò

Academicam :

Professor demum Ecclesiæ & Scholæ Marpurgi

constitutus

Anno M. D. XLII.

In qua ipse divinas & humanas literas, vir citra contro-

versiam eruditissimus simul, ac diligentissimus,

totos annos XXII. docuit :

qui

Ne mortuus quidem universam Christi Ecclesiam

libris scientissimè solidissimeque scriptis

erudire definuit :

Plura etiam multò posteris relicturus, nisi majorem

utilitatis publicæ quàm valetudinis curam ge-

rentem, intempestiva mors sustulisset.

Rebus excessit humanis

Anno Domini,

M. D. LXIV. Calend. Feb.

Ætatis LIII.

JONAS

JONAS JUSTUS

Sanct. Theolog. Doctor.



*Mystes Juris eram, sacrorum denique mysten,
Juris divini sancta magistra, se cit.*

Justus

Justus Jonas

Northusæ, veteri Cheruscorum civitate Imperiali natus, Anno Christi
M. CCCC. XCIII.

Post prima liberalium artium percepta studia,
Juris humani Consulto, sacre Theologiæ, quæ Juris
divini Magistra est, Doctor factus
clarissimus,

Vir summi ingenii & industriæ magnæ :
Professor Literarum Divinarum, ac dein Præpositus
Templi Vitebergæ constitutus,
Magni

Illius Principis Elect. Joan. Friderici filiorum, in illis
acerrimis tempestatibus comes constantissimus
restituendæ

in Saxonia Ecclesiæ fides Mart. Lutheri administer
&

παραστάτης.

Omnium rerum in causa religionis per Germaniam
gestarum adjutor ipse & conscius :

Demum Antistes Ecclesiæ constitutus in Salinis Saxo-
nicis, & totius illius diœceseos inspector ac
reformator ;

In cujus etiam veluti sinu

Mart. Lutherus animam Deo commendavit suam ;
tandem

Eisfeldæ in Francia sancti perfunctus Pastoris munere,
summa cum pietate vitæque innocentia, sancta
morte Anno Salutis

M. D. LV.

Obiit

Die IX. Octob. Ætat. LXIII.

LAN-

LANGIUS JOANNES

Archiater Palatinus.



*Archiatrum facit Heidelbergæ: Sophum facit antiè
Lipsiæ, sed Medicum Felsina doctæ bonum.*

Joan-

Joannes Langius

Leobergæ celebri Silesiæ oppido, natus anno
M. CCCC. LXXXV.

Magister Philosophiæ creatus Lipsiæ Petro Wirtho
consobrino

Anno M. D. XIV.

Qua in Academia postea & bonas literas frequenti Au-
ditorum confessu, professus, & publicis per
annos aliquot functus muneribus

Magna cum laude doctrinæ, virtutis, sapientiæ, pie-
tatis, industriæ;

Medicinæ demum studium majorum suorum exemplo
amplexus

Bononiæ Medicis honoratus clarissimis

Anno M. D. XXII.

Pisis Hetruriæ summum Doctrinæ gradum
consecutus;

Tandem Illust. Elect. Palatin. V. Archiaterus, alter ceu
Podalirius

Magno & sibi & familiæ & patriæ fuit ornamento
ac honori.

Monumentis ingenii sui excellentis varia ac rara cum
eruditione, tum rerum omnis generis scitu dignif-
simarum explicatione refertis, post se re-
lictis quam plurimis.

Præsentibus carus, posteris etiam admirandus.

Obit

Heidelbergæ Senex, Anno Salutis
M. D. LXV.

Die XXI. Junii Ætatis LXXX.

G

LAS.

LASSUS ORLANDUS
Musicus.



*Si mea Principibus tot Musica Caesaribusque
Grata placet, cætus Rex ero nonne mei?*

Orlan-

Orlandus Laffus

Bergæ , Hannoniæ urbe , natus anno
M. D. XXX.

Muficus & Symphoniacus fui feculi facilè
Princeps.

Prima ætate admodum puer, ob miram vocis fuavitatem
in canendo , aliquoties plagio sublatus ;

Sub Ferdinando Gonzaga Pro-Rege Sicilia, annis fermè
sex partim Mediolani , partim in Sicilia inter
fymphonicos educatus ;

Neapoli dein per triennium, ac demum Romæ amplius
biennium Mufico præfectus facello longè
celeberrimo.

Post peregrinationes Anglicanas & Gallicanas cum
Jul. Cæfare Brancacio fufceptas , Antverpiæ
totidem annis verlatus :
tandem

Alberti & Guilielmi Ducis Bojorum Muficæ Magifter
per integrum vicennium fupremus

à

Maximiliano II. Cæf. Aug. nobilitatus

A fummis Imperii Principibus ac proceribus fumme
honoratus

&

Cantionibus Harmonicis tam factis quam profanis
omnium linguarum in Orbe univerfo
celebratiffimus.

LAVATERUS LUDOVICUS

Tigurinus Theologus.



*Patria me Tigurum verbum caeleste docentem,
Dum vivo, merito semper honore colit.*

Ludo-

Ludovicus Lavaterus

Tigurinus.

Patriæ Ecclesiæ & Scholæ fidelis

Minister :

quam

&

Voce viva , & manu docta multis annis
erudivit ,

Cum suis quam plurimis tum aliorum lucubrati-
onibus , præsertim in Theologia in publicum
prolatis.

Controversiæ Sacramentariæ historia inter alias
quoque edita.

Obiit

Anno Christiano

M. D. LXXXVI.

in

Patria sua civitate

Tigurina.

G 3

LA-

LAZIUS WOLFGANGUS

Historicus Cæsareus.



*Seu Romana placet tibi, seu Germanica facta
Noscere, dulce leges me duce certus iter.*

Wolf-

Wolfgangus Lazius

Viennæ Austriæ natus, Anno

M. D. XIV.

Patre

Simone Medico Doctore & Poliatro,

Medicus & ipse doctor & Philosophus
excellens,

Philistor inprimis & Polyhstor maximus;
rerum

Romanarum & Germanicarum Scriptor
celeberrimus,

Patriæ suæ Viennæ & totius Austriæ illustrator
fidelissimus,

Totius antiquitatis indagator solertissimus;

à

Ferdinando Cæsare Augusto non modò in consilium,
verùm etiam ordinem allectus Equestrem,

Multis præterea & amplis ab eodem honorum in-
signibus nobilitatus.

Obit

Diem suum Quinquagenarius in Patria

Anno Salutis

M. D. LXV.

G 4

LU

acta
r.
Wolf

LUTHERUS MARTINUS
Magnus Theologus.



*Lutherus Decimum confecit strage Leonem:
De elavâ noli quærere, penna fuit.*

Mar-

Martinus Lutherus

Islebii Mansfeldiæ Comitum natus Anno Nat. Christi

Die X. Novemb. M. CCCC. LXXXIII.

Primis Magdeburgi & Isenaci imbutus literis:

Anno M. D. VIII.

Magister Philosophiæ creatus Erphordiæ: mox anno
insequentes,

quo magis Theologiæ vacaret, Monachus ibidem

Augustinianorum adscriptus Ordini:

Quadriennio post auspiciis Friderici Saxon. Elector.

Vitebergam ad sacras profitendum evocatus

litteras:

Romam, componendis Religiosorum diffidiis aucto-

ritate ablegatus publica,

Sacrofanctæ Theologiæ, eodem post reditum anno

Doct. creatus

Actunc demum, Romana inspecta curia, Orthodoxæ

Religionis studio instaurandæ incitatus ma-
jore divinitus;

Quam Anno M.D.XVII. primò è tenebris in lucem edu-

ctam, tum scriptis in publicum propositis innumeris,

tum libera semper professus voce coram Im-

perio Romano universo.

Formula tandem fidei Evangelicæ in Comitibus Augustæ

Carolo V. Cæs. Aug. publicè exhibita, & ab eo

confirmata;

Quem nec Regum aut Pontificum vis ulla, nec Sophi-

starum innumerabilium fraus unquam vel tan-

tillum terruit.

Seculi sui Propheta ultimus: Auriga & currus Israël:

Obiit

Placidè in Patria ipso concordia secū ad cælum subvectæ

Die XVII. Feb. Anno M.D.XLVI. Ætat. LXIII.

sepultus Vitebergæ.

em:

Mar-

LYCOSTHENES CONRADUS

Theologus & Philologus.



*Si pietas, Sophiaeque placet tibi regula sanctae:
Perlege dicta Sophum, viva labore meo.*

Con-

Conradus Lycosthenes

Rubeaquentis Alfarus , natus anno
M. D. XV.

Heidelbergæ operam navans Philosophiæ pariter &
Theologiæ egregiam :

Basileæ post utranq; in schola & Ecclesia publicè pro-
fessus est ,

magna cum fide & industria :

Philologus præterea & Historicus celebris ;

Theatrum vitæ humanæ , Philosophiæ perennis com-
pendium ,

Aet. Luminum Datoris benign.

per XLII. valetudinariæ æt. An. M. D. XLVII.

sedulo seriòque commentatus

Quod eo postea mortuo à privigno Theod. Zwingero

Medico & Philosopho excellentissimo mirificè exor-
natum & locupletatum , omnibus omnium

Cæsarum Amphitheatris meritò an-
teponitur.

VIII. Kal. Aprilis non improvise Apoplexiæ turbine,

ad certam immortalitatem ejusdem reparatæ
abreptus

Anno

M. D. LXI.

Præter votum metumque :

Sortis literar. multam simul & magnam reliquit

usuram posteris , in omne ævum

perduraturam.

MA-

MAGNUS ALBERTUS

Philosophus & Theologus.



*Naturæ si quid te rerum fortè latebat :
Hoc legis in Magno Teutone Magne Deo.*



Alber-

Albertus Magnus

Bolstadius , ex ordine Equestri clarissimis
natus parentibus , Anno salutis
M. CC. XCIII.

Summo ingenio , summa præditus eruditione
adeoque omnium doctrinarum summe
studiosus.

Philosophiæ & Theologiæ Doctor
maximus :

Professor Academiæ Parisiensis & Coloniensis
celeberrimus,

Naturæ speculator solertissimus,

Obscurarum rerum indagator & explicator plane
admirabilis.

Præsul tandem & Episcopus creatus
Ratisponensis,

Qui sua ætate omnes ingenio , doctrina , eloquentia
superavit ;

Literis denique , & studiis immortalis Coloniæ
Agrippinæ ,
quò

Utrò abdicato Episcopatu ad ocium literarium rursus
extrema senecta concesserat.

Obiit

Anno Salutis

M. CCC. XXCII.

ætatis vero

LXXXVII.

MA-

MAJOR GEORGIUS
Theologus.



*Sanctum opus abs que fide, sine sancto opere haud
placet unquam*

Sancta fides : fidei summa sit ista mea.

Geor-

Georgius Major,

Noribergæ urbe Imperiali, natus anno
M. D. II.

Prima ab adolescentia doctrinarum omnium summè
studiosus,

Magister optimarum artium primò, ac dein Sa-
crofanctæ Theologiæ Doctor Virebergæ
publica auctoritate
renunciatus,

quam

Multis annis, non solum in Academia, verum etiam
Ecclesia publicè privatimque docuit, singulari
laude industriæ, prudentiæ, elo-
quentiæ.

Commentariis luculentis in præcipuos Evangelicos &
Apostolicos libros, aliisque lucubrationibus eru-
ditis, Reip. literariæ communicatis,
celebris!

Obiit

Senex Anno Salutis

M. D. LXXIV.

Die XXIX. Novemb.

Ætat. LXXII,

MAR-

MARBACHIUS JOANNES

Theologus.



*Isna prius, dein Argentina pependit ab ore
Clara meo, novit cetera Textu potens.*

Joan-

JOHANNES Marbachius

Lindaviae, urbe Imperiali, natus anno
M. D. XXI.

Post prima fundamenta doctrinae in patria fideliter
jacta,

Argentinae primò, ac dein Vitebergæ divinis hu-
manisque eruditus literis

Jenæ Ecclesiastes annum non amplius unum,
mox

à

M. Luthero Antichristi domitore, Sac. Theol. Doctor
designatus;

Isnæ per biennium Antistes Ecclesiæ,

Argentinae de cæterò Pastoris ac Præsidis functus mu-
nere per annos

XXXVI.

Academiae præterea Professor & Ephorus
perpetuus,

Collegii demum Thomani Decanus
dignissimus

Colloquiis de Religione Tridenti & Wormaciae
adhibitus;

à

Principp. Elect. Palatinis reformandæ scholæ &
Ecclesiæ identidem expetitus;

Pietate, Integritate, Fide, Virtute, Sapientia, Humani-
tate excellens.

Moritur Argentinae anno Sal.

M. D. LXXXI.

Die XVIII. Martii. Ætatis LX.

H

MAR-

MARTYR PETRUS VERMILIUS
Theologus.



*Tuscia me pepulit: foet hinc Germania, dein &
Anglia: Martir eram nomine reſq; pius.*

Petrus

Petrus Martyr Vermilius

Florentinus.

Literarum bonarum, ac imprimis religionis studio ab
ipsa penè pueritia inflammatus,

Sancti Augustini Canonice Ordinis addictus:

Patavii totius Philosophiæ & linguæ Græcæ: Bononiæ
etiam Hebrææ exactam adeptus notitiam:
dehinc

Sacris concionibus habendis omnium illius Ordinis tota
Italia Princeps habitus

Æterni demum Lum. datoris cœlesti irradiatus luce,
cum Joan. Valdesio Hisp. prima Neapoli, ac dein
Lucæ instaurandi Christianismi funda-
menta jecit.

Mox Romæ ustulandus, amicorum suafu, ingrata patriæ
valedicens, Tigurum primò, inde Basileam, post Ar-
gentinam, procurante M. Bucero vocatus,

Quin & cum eodem in Angliam ab Eduardo VI. Rege
evocatus Oxonium, ad profitendum Sacras
litteras,

Sed Marianis mox sequutis temporibus iterum cedens
Anglia, in pristinum locum Argentinæ restitutus,
Tiguri denique senectæ suæ portum sortitus optatum,
in

Quo loco sacras literas quinquennium circiter maxima
cum omnium attentione & admiratione in-
terpretatus est;

Praclaros laborum suorum testes post se libros relin-
quens innumeros nunquam morituros.

Obiit placidè anno

M. D. LXII.

Prid. Idus Novemb. Ætatis LXIII.

H 2

MA-

MATHESIUS JOANNES

Theologus.



*Præco metalliferæ Joachimi vallis Sarepta :
Ipse potens calamo, voce disertus eram.*

Joan-

Joannes Mathesius

Rochlitzii Misniae oppido natus anno

M. D. IV.

Multijugâ eruditione Vitebergæ sibi comparata,
sub

Optimis & clariss. D. D. Mart. Luthero & Ph. Melan-
thone Ludi literarii primò Magister, ac dein Pastor
Ecclesiae in valle Joachimica pariter
fidelissimo ac vigilantissimo

cujus

Pietas & eximia constantia, cæteræque virtutes, admi-
rabilis denique ac penè divina facundia, & in do-
cendo singularis dexteritas, nunquam
satis dignè prædicari
poterit.

Præclaro Meditationum & Concionum sacrarum The-
sauro, de omnibus fidei Christianæ capitibus,
posteritati perpetuò piæ fruendo, post
se relicto:

Pro concione, finem vitæ præfaciens, suæ
valedicens Ecclesiae

Moritur Apoplecticus anno Christiano

M. D. LXV.

Non. Novemb. Ætatis LL.

H ;

ME-

MELANTHON PHILIPPUS

Germaniæ Phœnix.

*Parvus eram : nec me tamen ingens cepit hic
orbis :*

Fama mei complet nominis omne latus.

Phi-

Philippus Melancthon

Brettæ Palatinorum natus Anno Christi

M. CCCC. XCVII.

Portæ Herciniæ primò versatus in literis admodum
puer,

cum ingenio, nec sine industria, magno illo Joan.
Capitone clariss. Theol. & Phil. cursum stu-
diorum moderante.

Primam doctrinæ lauream Heidelbergæ, alteram adeptus
Tubingæ, anno ætatis XVI.

Friderici Sax. Elect. auspiciis Vitebergæ evocatus
anno ætatis XXI.

M. Luthero, cujus postea fidelis fuit *μαρτυρῆς*, omnium-
que laborum & studiorum socius, rem Christia-
nam in Germania reformante

Qua in Academia totis Annis XLII. operam navans in
docendo laudatissimè;

Sacrar. liter. explicator solertiss. ac fideliss. Veritatis cœ-
lestis Patronus in primis strenuus; optim. discip.
artiumque cùm instaurator, tùm
conservator.

Pietate, vitæ innocentia, humanitate, benignitate erga
omnes, ac in primis incomparabilis modestiæ exem-
plo, non modò cæteris, verùm etiam se
ipso superior;

Singulare nostri seculi ornamentum & decus Germaniæ
perpetuum futurus.

Obiit

Vitebergæ sanctè & feliciter anno M. D. LX.

III. Calend. Maji

quum annos vixisset LXIII. & totidem dies.

H 4

MILI-

MILICHIUS JACOBUS
Medicus.



*Multa mihi debet cæli historia edita Plino:
Leucoris & Medicum me Physicumq; colit.*

Jaco

Jacobus Milichius
Friburgi Brisgavorum, natus

Anno

M. D. I.

Quam & morum suavitate, & literarum eruditione
eximia præditus esset

Mathematicum inprimis & universæ Philo-
sophiæ studiosissimus;

quod

Elegantissima ipsius in librum Plinii secundum
de

Mundi historia commentaria vel sola abunde
contestantur

Medicinæ Doctor ac Professor publicè

in

Academia Vitebergensi constitutus

Singulari erga DEUM pietate, & erga
Homines humanitate
præstans,

Apoplecticus Vitebergæ Anno Domini

M. D. LIX. die X. Novemb.

obiit.

H 5

MUN.

colit.

Jaco

MÜNSTERUS SEBASTIANUS
Cosmographus.



*Sat linguae fuerat fontes mihi tradere sanctae :
Scribere sed Mundi me iuvat historiam.*

Seba-

Sebastianus Münsterus

Ingelhemii natus anno

M. CCCC. LXXXIX.

Matheseos Geographiæque & imprimis Hebrææ linguæ

in

Academia Heidelbergensi studiosissimus,

ob id

Professus aliquandiu Franciscanorum Ordinem

Tübingæ.

Quò studiis hujuscemodi sibi vacare liceret impensius,
usus

Præceptore Joan. Stoflero Mathem. excell.

Demum sanctæ linguæ Professor Basileæ constitutus;

plurimis

tùm in sacras literas, tùm in varias Matheseos partes,
scriptis in publicum editis, ac præsertim laboriosis. illo

Cosmographiæ opere, quo duce peregrinari ter-
rarum orbem, domi etiam manendo licet,

egregiè nobilitatus.

Germanus Esdras, Straboque immortalis dignus
memoria:

Quam ipse tot regionum, civitatum, familiarum, vi-
rorum denique nominibus pro virili
conciliavit.

Peste correptus, solennem Ascens. Domin. Memor.

Anno Salutis M. D. LII.

Ætatis LXIII.

morte piâ illustravit.

MU-

MUSCULUS WOLFGANGUS
Theologus.



*Corde pius, gravis ore, sacro sermone disertus
Præco Dei, pariter voce styloque potens.*

Wolf-

Wolfgangus Musculus

Dusæ, Lotharingiæ oppido, finitimo
Alfatæ

natus, Anno

M. CCCC. XCVII.

Monasticam vitam in prima adolescentia professus, Religionis & honesti ocii gratia,

post

Veritate agnita, Pauli exemplum secutus, victum aliquando Textor opere manuario quæritans,

Argentiæ demum Minister Ecclesiæ, à magno illo Dei servo M. Bucero pietate doctrinaque sua approbata,

Ac dein Augustæ Vindel. Pastor, & Urbani Regii viri optimi & doctissimi successor constitutus, in qua ipse

Evangelicam sincerè professus doctrinam, tum concionando, tum sacras literas laboriosissimis commentariis illustrando, tum Græcorum scripta latinè interpretando, multis denique obitibus pro tuenda vera Religione in Comitibus Imperii legationibus, nomen in Orbe Christiana adeptus est clariss.

Bello tandem Germanico exul, Bernæ sacrarum literarum Doctoris in schola functus munere per totos annos quatuordecim.

Obiit,

Morte placida III. Cal. Sept. anno Christi
M. D. LXIII. Ætatis LXVI.

OE CO-

OECOLAMPADIUS JOANNES
Basiliensis Ecclesiae Pastor.



*Quem coluit Basilea sacrorum clara ministrum:
Sim LAMPAS Domini, quod vocor, opto,
DOMUS.*

Joan-

Joannes Oecolampadius

Germanus, Winsberga Franciæ oppido oriundus

Anno

M. CCCC. XXCII.

Optim. Artium Bacalaureus, mox Magister Heidel-
bergæ factus,

Bononiæ in Italia Jurisprudentiæ primum
operam dare cœpit,
in

Germaniam deinde reversus Joan. Capnione Doct. in
Acad. Tübing. usus,

Trium linguarum peritiss.

Professione Theologus esse maluit, quàm Juris-
Consultus;

Patriæ primò Ecclesiastes, dein Basileæ, post
Augustæ factus;

Sacrof. Theolog. Doct. Anno M. D. XVI. creatus,
Multùm ille hinc inde variis casibus
jactatus

Tandem primus Evangelicæ doctrinæ auctor, & verus
summi constitutus templi Episcopus;

Ut doctrina, sic vitæ sanctimonia colendis. magno urbis
cum luctu & desiderio, peste grassante, fidus gregis
sui Pastor & Pater, anthrace correptus
placidè obdormiens.

Anno

M. D. XXXI. Kal. Decemb. ætatis suæ XLIX.

obiit.

OLDEN-

OLDENDORPIUS JOANNES
Juris - Consultus.



*Et causas agere, & juris benè reddere causas
Si doceam, Juris nonné peritus ero?*

Joan-

Joannes Oldendorpius JC.

Hamburgi natus urbe Saxoniae libera.

Summam in studiis expertus liberalitatem avunculi

Alberti Cranzii Historici

clarissimi.

Gryphiswaldiae in Pomerania Doctor Juris utriusque
creatus

Syndicus primò Reip. Rostochianae constitutus,
post

Coloniae Agrippinae, ac dein Marpurgi multis an-
nis jus civile professus

in

Academia

cum laude singulari doctrinae, fidei industriae,
sapientiae :

Commentariis in multas juris partes quam plurimis
editis, ac praesertim practica actionum forensium
absolutissima, qua verus exercendae Jurispru-
dentiae usus ostenditur, in medio
relicta.

Obiit Anno Christi

M. D. LXI.

Marpurgi.

OPORINUS JOANNES
Bafilienfis.



*Si famam æternam Typicæ do sedulus arti:
Æternum cur non reddat & ipsa decus?*

Joan-

Joannes Oporinus

Basiliensis Typographus.

Doctus , Operosus , Elegans ,
innumeris

Libris

Partim à se scriptis , partim publicatis,

Virtutum Hærede ex IV. Coniuge , unico
relictò :

Publicis Lacrimis , privata pietate ,

Sexagenario major moritur ,

Anno

M. D. LXIIX. die VI. Julii.

Natus ære Christi

M. D. VII. die XXV. Januarii.

PELLICANUS CONRADUS
Theologus Tigurinus.



*Quam sanctæ fuerint lingua, fideique peritus,
Scripta probant: passim cætera fama canit.*

Con-

Conradus Pellicanus

Rubeaquensis Alsatius :

Primis jactis studiorum fundamentis,
Præclara Heidelbergæ ac Basileæ in artibus &
linguis navata opera,

quarum

Discendarum studio Ordinem Franciscanorum aliquan-
diu Basileæ professus

Mox eo abdicato, veritate Evangelicæ doctrinæ
cognita,

Linguae præsertim Ebrææ solidam cognitionem adeptus
primùm

Sacrarum Literarum Basileæ, deinde Tiguri Professor,
annis multis perhonorificè habitus, præclaris etiam
in univèrsam sacrarum literarum corpus
scriptis editis factus celeberrimus;

præter

Eruditionem singularem, maxima vitæ integritate,
summaque vir modestia
præditus,

In qua ad extremam usque senectam perseverans, ne-
mini gravis, omnibus gratus,
migravit ex hac vita feliciter,

Tiguri, Anno

M. D. LV.

I ;

PFEF.

PFEFFINGERUS JOHANNES
S. Theologiae D.



*Magna oris gravitas, animi constantia magna,
Doctrinaeque fides, Lipsia novit adhuc.*

Joan-

Joannes Pfeffingerus

Bavarus,
natus anno

M. CCCC. XCIV.

Vir

Spectatæ tum eruditionis tum probitatis
insignisque Theologus

à

Prima ætate totus promovendæ Christi gloriæ
addictus,

Superstitione repudiata Pontificia, multò etiam
ardentius, veritatem agnitam
amplexus,

Sacrarum Literarum Doctor
præclarus,

Lipfienfis Ecclesiæ Pastor verus & Antistes
venerandus.

Fatis concessit anno Christiano

M. D. LXXIII.

III. Non. Januarii

Ætatis LXXX.

PIRCHMAIERUS BILIBALDUS
Noricus Historicus.



*Carminis auctor eram bonus, historiaeque : sed
orno
Carminis auctores historiaeque magis.*

PIRCH

Bili-

Bilibaldus Pirchmaierus.

Patricia gente Noribergæ urbe Imperiali
natus , Anno
M. D. I.

Omni liberali doctrina politissimus
Mathematicum præsertim & Historiæ studiosissimus,
quarum

Disciplinarum egregiis post se relictis monumentis, pa-
triæ Germaniæ illustrandæ operam impendit
fidelem ,

sed &

Græcarum pariter & Latinarum literarum
peritissimus ,

Conversis è Græco in Latinum præstantiss. auctorum,
Xenophontis, Ptolomæi, Plutarchi, Nazianzeni
scriptis quam plurimis

Summa præterea auctoritate & prudentia
præditus

Patriæ Senator amplissimus ,

Divo Maximiliano I. Cæsare Augusto à Consiliis,
optimè de Republica Christiana meritis.

Obiit Noribergæ

Anno

M. D. XXXI.

PISTORIS MODESTINUS
Jurisconsultus.



*Jure Modestinus fuit olim clarus, utroque
Jure Modestinus sum quoquo clarus ego.*

Modc-

VI Modestinus Pistoris.

Simonis Filius. Simon. Nepos. Nicol. Pronepos.

Lipsiæ natus anno
M. D. XVI.

Quem & patria atq; domestica disciplina erudiit sedulo,
Italiaque per totum quinquennium omni liberali
doctrina, ac imprimis Jurisprudencia exco-
luit mirifice.

Legum in patria consultus Doctor & Jurid. Facult.
Ordinarius.

Saxonix Elect. Prin. Consiliarius & Judiciï
Curialis Assessor perpetuus;
Quin &

Proavi Conf. Lips. & Avi Medici, & Patris Jurisc. præ-
stant. exemplo per multos annos Consulari
functus dignitate

Magna cum laude virtutis, sapientiæ, honoris,
justitiæ &c.

Modestini illius magni; veteris JC. Rom. ut no-
minis, ita ingenii ac studii consors
dignissimus.

Non tam ætate consumptus, quàm loborum per-
tinaci assiduitate fractus, cum ma-
ximo

Suorum non modò, sed totius Reipublicæ ex-
terno quoque luctu

Piè ac religiosè ex hac vita excessit.

Anno M. D. LXV.

Ætatis XLVIII. Mens. IX. Dies vi.

PISTO.

PISTORIS SIMON

Jurisconsultus & Cancellarius Saxon.



*Jura prius docuit mox scrinia Saxonis aula
Eloquio rexi, consilioque meo.*

Simon

SUM Simon Pistoris, J. U. D. PRA.

Lipsiæ in erudita

familia natus Anno M. CCCC. LXXXIX.

Patre Simone, Nicolao Avo, utroque Medicinæ Doctore,
& Saxoniae Archiatro clarissimo.

In quo uno supra familiæ claritatem natura maximas
& animi & corporis dotes, una cum inclyta virtute,
summaque cum docendi facilitate & dexte-
ritate, non sine admiratione omnium
felicissimè cumulavit.

Quem

Papia docuit, Lipsia ornavit, aula Saxonica observavit.

Per integrum quinquennium primo in patria Aca-
demia Professor Cod. ordinarius,
demum,

Perpetuus Elect. Saxon. Cancellarius

Magisterque officiorum in Aula constitutus,

Magnis magna cum gloria perfunctus honoribus;
commeatu tandem gratiosè impetrato,

Satur vitæ, iatur gloriæ,

Liberos post se relinquens eruditos, honoratos
superstites;

Quorum & in libris præclara ejus revixit memoria,
in omne deinceps ævum cum his victura perpetuò.

Obiit

in pago suo Seuseliz III. Non. Decembr.

Anno Salutis

M. D. LXII. Ætatis LXXIII.

PRA.

PRAGENSIS HIERONYMUS

Boëmus.



*Sancta fides, mors fuit sancta mihi, vitaque
sancta:*

Miraris sanctum nomen & esse mihi.

Hiero-

Hieronymus Pragensis

Boëmus, verè sancto dignus nomine.

Martyr Christi fidelis,

Pragæ in patria bonis imbutus literis,
Lutetiæ artium liberal. Magister salutatus,

Præcipuis Galliæ & Germaniæ Academiis singulari
ingenii & doctrinæ laude cognitus,

primò

Discipulus, deinde familiaris, post collega factus Sancti
Christi Martyris *Joh. Hussi* à quo ne morte qui-
dem diutius dividi iustinuit.

Miranda & plane divina eloquentia animique fortitu-
dine & constantia præditus singulari;
Religionis ergò sanctiss. CCCXL. amplius diebus
immaniss. detentus carceris fordibus & in-
juriis, pari tandem

vel

Potius eodem fato ac triumpho altero post *Hussum*
Doctorem, fidei ac ejusdem certaminis socium
& consortem Anno nobilitatus:
Crematus vivus Constantiæ

obiit

III. Kal. Jun. Anno M. CCCC. XVI.

PTO-

PTOLEMÆUS, CLAUDIUS
Alexandrinus Mathematicus.



*Per me Doctrina totum divina Mathesis
Corpus habet: cujus glorior esse parens.*

Clau-

Claudius Ptolemæus
Natione Ægyptus.

Sub

Marco Antonino Imperat. Romano
Liberalium artium ac Græcarum literarum
Alexandriæ studiis clarus,

Qui

Primus apud Græcos cœli rationem diligentius
explicuit,

Inventa ab Hipparcho instrumenta clariùs
demonstravit,

De Musica & rebus aliis, tum de Geographia abso-
lutiff. scripsit:

Princeps doctrinæ Mathematicæ,
nullique
in Astrologiæ scientia secundus:

Monimentis ingenii & doctrinæ relictis divinis
penè, mortuus etiamnum vivit inter
mortales;

Æterna gloriæ laude victurus perpetuò.

K

QUIN.

QUINTERIUS JOANNES

Andernacus Medicus.



*Argentina tuus, tuus ante Lutetia doctor
Sum Medicus : fama notus in Orbe satis.*

Joan-

Joannes Quinterius

Andernaci Ubiorum oppido celebri natus

M. CCCC. LXXXVII.

Primis annis Daventriæ ac Marpurgi in literis versatus,
cum ingenio, nec sine industria,
dehinc

Goslariæ scholæ moderator, ac dein Lovanii

Græcæ Linguæ Professor;

post

Medicinæ studio deditus Lutetiæ Parisiorum, familia-
ris summus Guil. Budæi & Lascari Græci, Medicis
Græcis ac præsertim Galeno in Latinum
conversis sermonem:

Francisci I. Regis Galliæ & Joan. Bellaii Card. liberalitate
summa Medicinæ Doctor & Medicus Regius
salutatus;

Anatomes corporis humani auctor atque
instaurator,

à

Rege Daniæ perbenignè expetitus, &

à

Ferdinando Cæsare Augusto singularis meriti ergo
nobilitatus:

Mediomatricum in urbe, post tumultu Gallico ob re-
ligionem moto, primum, deinceps Argentinæ ex-
ercens Medicinam, Aristotelis & Demost-
henis in eadem Academia

interpres,

Optimè de Republ. literaria meritis

Obiit

feliciter Argentinæ, anno Christi

M. D. LXXIV. die IV. Octob.

K 2

REUS-

REUSNERUS NICOLAUS

Juris-Conf. & Consiliarius Saxonicus.



*Effigies homo parva tua est, DEUS: effigiem
fac
Me quoque, dum vivo, semper habere tuam.*

It

In

Effigiem Nicolai Reufneri.

Christophorus Winerus.

Mortalis cum sis , mortales inter & ipsos
Famam immortalem post pia fata feres.
Tam benè de vivis , & de mortalibus ipse
Es meritus : dignus vivere perpetuò.
Te tua scripta mori prohibent : te vivere censent
Diva Themis , Clarii & numina sacra Chori.
in eandem

idem Christoph. Winerus:

Exciderant oculis : animo simulacra latebant :
Corpora sub tumulis dormierantque suis.
Lumine tu cassas facies in imagine viva
Surrupis è tumulo , restituisque Viris.
Et facula accensa velut è cœlestibus igne
Allato in vivas efficis effigies ,
Ergo alter tu Deucalion cum conjuge Pyrrha,
Gentis & Allmannæ , Jovius alter eris.

K 3

RHE

RHENANUS BEATUS

Historicus.



*Multum se Germana mihi historia, atq; Latina
Debet: me patriæ vindice claret honos.*

Bea-

Beatus Rhenanus

Cognom. *Bildius*, Selestadii Alfatio oppido natus

Anno

M. CCCC, XXCV.

Sub Cratone Udenhemio & Hieronymo Gebwilerio in
patria primò eruditus

Lutetiæ dehinc & Basileæ sub clariss. Doctoribus doctri-
næ maturitatem adeptus

Magni illius Erasmi summus amicus & familiaris: pri-
vilegio civilium vacationum in patria à Carolo V.
impetrato;

Privatis sibi domi potius, quàm aliis vivens, vitam planè
Philosophicam absque ullo maleficio ullave inju-
ria, multis Græcis atque Latinis scriptori-
bus in integrum restitutis atque
recognitis:

Rerum præsertim Germanicarum indagator sagaciss.
adeoque omnis antiquitatis studiosissimus;

Qui &

Patriæ suo ornamento & exteris admirationi fuit; Sed
& præter excellentem doctrinam, innocentiae, hu-
manitatis, pudicitiae, omnis denique officii
& probitatis laude commendatiss.
Gratus omnibus, nemini gravis:

Obiit

Argentorati, ex thermis Martiis rediens, anno

M. D. XLVII.

Ætatis vero LXII.

&

Selestadii in patria sepultus.

K 4

SAM.

SAMBUCUS JOANNES
Medicus & Historicus.



*Cesaris Historicus, Medicus bonus, atq; Poëta,
Vivo meis, veterum vivus & ipse libris.*

Joan-

Joannes Sambucus
Tirnaviæ, Pannoniæ oppido natus

Anno

M. D. XXXI.

Qui

Plerisque in Academiis Italiæ, Galliæ, Germaniæ cum
laude versatus;

Præter ceteros unus cum literis humanitatem, Græca
cum Latinis, antiquæ Philosophiæ scientiam,
quod è scriptis ejus facile apparet, cum
elegantiâ doctrinæ
conjunxit:

Medicus elegans,

Poëta scitus,

Antiquarius solers,

Divo Maximiliano & Rudolpho II. August. Cæsar.

à

Consiliis & Historiis

Maximam gloriam cum propriis scriptis elucubrandis,
tùm auctoribus veteribus recolligendis, & quasi
à mortuis excitandis, in universo Orbe
Christiano adeptus.

Obiit Viennæ Austriæ, Anno Salutis,

M. D. LXXXIV. Idib. Junii

Ætatis LIII.

K 5

SAR.

SARCERIUS ERASMUS

Theologus.



*Si carus superis, nulli gravis, omnibus æquè
Gratus eram, dic cur Sarcina ruris eram?*

Erasm-

Erasmus Sarcerius

Annæmontanus.

Liberalium artium, & virtutis sapientiæque probè
excultus studiis,

Sed imprimis Sacrarum literarum, quibus operam
Witebergæ navavit sedulam,
scientia ornatus,

Quas

non solum concionando, magno cum pietatis zelo,
sed & scribendo, propagare atque illustrare
pro virili maximè est
conatus

Multis ingenii sui monumentis haud vulgari-
bus piæ posteritati
relictis,

Lipsiæ primò Ecclesiastes, ac dein Nassoviæ
Comitatus Pastor & Antistes fidelis.
Optimè de Ecclesia meritus

Obiit

Magdeburgi, Anno Salutis

M. D. LIX.

die XXIIIX. mens. Novemb.

Ætatis LIX.

SAVO-

SAVONOROLA HIERONYMUS
Florentinus.



*Urit amor me Christe tuus : dein perfidus hostis
Ustulat : in caelo Savanorola beor !*

Hiero-

Hieronymus Savorola

Italus, Florentinus.

Concionator ex Dominicanorum Ordine, olim
Monachus

à

Patre Luminum Deo Optimo Max.

Sanctæ fidei tandem & veritatis invictæ illustratus
cœlestibus radiis,

quam

Magno postea cum zelo religiosè tutatus, & ad vitæ
Spiritus usque extremum professus est
constanter:

Sanctis sanctæ doctrinæ post se monumentis relictis,
in omne ævum perduraturis; Martyr
denique factus Christi,

cum

Bonorum civium maximo luctu.

Strangulatus (heu) vivus primùm, ac deinde
mortuus cum duobus fociis crematus,

Florentiæ

postulatu Alexandri VI. Pontif. Maxim.

Obiit

A N N O

M. CCCC. XCIIX.

X. KL. Junii

Ætat. XLV. Mens. VIII.

SCHA-

SCHALICHIVS PAVLVS

Comes Hunnorum S. Th. Doctor,



*Regulus Hunnorum, Scala heres gloriior esse
Gentis: Sacrificus Caesaris, inde Papa.*

Paulus



Paulus Schalichius, Comes Hunnorum

Marchio Veronæ.

E

Scalanæ prisca illa gentis familia Principe originem
venditans suam,

Mysticæ Philosophiæ, & totius Encyclopediæ
scientissimus;

Quod vel ex uno Catholico Epistemone, quo universus
orbis tam sacrarum, quam profanarum disciplina-
rum, omnisque omnium sectarum & Philoso-
phiæ doctrina catholica declaratur,
fatis apparet;

Sed

Idem tamen in Theologia alter sui temporis
Eceboles:

Olim Ferdinando Aug. Cæs. à sacrificio missæ,
Fidei post aliquandiu professionem in Borussia simu-
lans Evangelicæ,
tandem

Canonicus Eccles. Pontif. Monasteriensis electus
iniquis suffragiis,

Partes Antichristi Romani quas antea oppugnaverat,
scriptis propugnans suis,

Multisque variantis fortunæ exercitus casibus,
vitam in terris clausit suam sine
incerto.

SCHNEI

SCHNEIDEWINIUS JOANNES
Juris - Consultus.



*Juris & interpres sum, justitiæque sacerdos:
Si taceam: libris constat id omne meis.*

Joan-

Joannes Schneidewinus

Stollbergæ natus in Turingia, Anno M. D. XIX.

Puer admodum Virebergam missus studiorum causa,
& Mart. Luthero, à quo filii loco semper habitus
fuit, commendatus,
usus

Præceptore domestico Vito Theodoro Theologo cla-
rissimo, Civilis sapientiæ cognitione instructus
egregia :

Per benignè in Aul. Comit. S. R. J. Schwarzburgi-
corum accersitus, quibus à Consiliis fuit per in-
tegrum quadriennium,

Post revocatus inde in Academiam prohonorificè, & in
eâ summos adeptus in Jurisprudentia honores, neque
solum in collegium Juridicum, sed & Judicium
allectus Provinciale

Operam Reipub. & docendo & dicundo jure navans
utilem ac fidelem per A. XX. quum non magis
juris, quam justitiæ & æquitatis consul-
tus videri vellet.

Commentariis in aureolum illud opus Instit. Imp. sanè
locupletiss. & foro præsertim accommodatiss. pluri-
mum Reip. atque adeò omnibus Jurisp. studiosis
etiam in posterum profuturus, & in his cum
grata sui memoria & multorum utili-
tate perpetuò victurus.

Obiit

Servestæ apoplexia Anno M. D. LXVIII. Ætat. XLIX.
sepultus Virebergæ ad latius Mart. Lutheri.

L

SCHO-

SCHONERUS JOANNES
Mathematicus.



*Qui tabulas genesesque meas legis, ipse fateris
Astronomum pariter me, Astrologumque
bonum.*

Joan-

Joannes Schonerus

Carolastadius in Francia natus, Anno
M. CCCC. LXXVII.

Astrologus æquè ac Astronomus excellens,

qui

Mathematicum studia plurimum opera industriaque
sua, & auxit & illustravit:

Resolutarum Tabularum opere illo egregio, sine quibus
Theoricæ, ut vocant, motuum cœlestium,
luce carent sua, in publicum edito,

unâ

Cum altero illo Genethliaco opere antecessoris sui Re-
giomontani multis modis aucto atque lo-
cupletato.

Quo

Ipse multa non ab aliis modò tradita, sed & à se longò
observata usu, unum in corpus digesta explicavit ple-
nissimè, & tanquam dissipatas ædificii partes,
extruxit bellissimè;

Præclare de re literaria universa meritis,

obit

Noribergæ Septuagenarius XVI. Kal. Februarii,

Anno Domini

M. D. XLVII.

L 2

SIM.

SIMLERUS JOSIAS
Theologus.



*Me docet Historicum simul, Astronomumque
fuisse
Patria, doctorem sed magis, alma, Dei.*

Josias

Josias Simlerus

Helvetius Capellensis.

Elegantis homo ingenii ac doctrinæ:

Mathematicus Nobilis, Historicus
excellens.

Quod tùm scripta ejus, quibus patriam immortalitati
consecravit, tùm instrumenta ab eo excogitata
Astronomica testificantur;

Sacrofanctæ Theologiæ in schola Tigurina Professor
celebris,

Qui quanti non modo in docendo, sed & scribendo,
tùm acuminis, tùm judicii fuerit, veterum quoque
Theologorum lectione confirmati, lucubrations
ejus in omni doctrinæ genere in publicum
editæ satis superque ostendunt.

Morbis cum duobus sævissimis calculo nimirum &
podagra conflictatus acerbè, annis ali-
quot prioribus

Morte tandem obiit immatura, annum vix

XLV.

agens, die secunda Julii, anno Domini

M. D. LXXVI.

SLEIDANUS JOANNES
Historicus.



*Sleida dedit vitam, tumulum Argentina, do-
mumque :
Relligio per me Teutona nota viget.*

Joan-

Joannes Sleidanus

Belga Sleidæ natus, Anno M. D. VI.

quem

Lutet. Paris. bonis excultum disciplinis, Argentina
except.

In qua multiplice & eruditionis & prudentiæ atque
pietatis edito specimine, summo semper loco
habitus.

Legatus deinde non modo in Anglia, communi Prote-
stantium, quos vocant, nomine, sed & urbis ipsius
in Tridentino Concilio, magnam sibi apud
omnes comparavit gloriam, atque
existimationem.

Multò etiam majus adeptus immortalis famæ decus,
ex egregio illo opere suo de Reipubl. & Religionis
in Germania statu à se verissimè simul & ele-
gantissimè perscripto.

Jacobo Sturmio Prætoze nobiliss. & ampliss. non modo
hortante, verum etiam materiam suppe-
ditante,

addito etiam de summis Imperiis eruditissimo
commentario;

Sui seculi Historicus facilè Princeps.

Obiit

Argentinx ex Epidemico morbo, Anno Salutis
M. D. LVI.

Ætatis L.

STOFLERUS JOANNES
Mathematicus.



*Quem genuit Justinga, fovet, sepelitque Tu-
binga:
Procli sum interpres, auētor Ephemeridum.*

Joan-

Joannes Stoflerus

Justingæ natus in Suevia, Anno

M. CCCC. LII.

Mathematicis à prima adolescentia delectatus
disciplinis,

Ad quas addiscendas plerisque Academiis Germaniæ
perlustratis, plurimum operæ, studii, diligen-
tiæ, laboris contulit;

Parem in his ætate sua nullum, nullum ha-
bens secundum,

Tübingæ multis postea annis professor
Mathemata :

Neque viva solum sed & muta voce, eaque multis
tamen victura seculis Reipublicæ commodans
literariæ.

Opere illo Ephemeridum egregio, unà cum quibus-
dam aliis minorum vigiliarum operis, in publi-
cum emisso;

Immortale ex eo nomen & decus adeptus sem-
piternum.

Obiit

Blaubeurii, sepultus Tübingæ, senex admodum,
veneranda conspicuus canicie,

Anno Ætatis LXXX.

Salutis

M. D. XXXI.

SULGERUS SIMON

Theologus.



*Sancta recensentem vera monumenta salutis,
Pastorem coluit me Basilea suum.*

Simon

RARAS Simon Sulcerus *THEOPH*

Bernæ Helvetiorum urbe celebri natus,

Anno

M. D. IIX.

Trium linguarum & artium divinarum atque
humanarum egregiè
peritus,

Summos honores studiorum consecutus
in
Philosophia & Theologia.

Post

Functionem Bernensẽm

Academix & Ecclesix Basiliensis, cui nutricia sua libe-
rali animo rependit, per annos XXXIII. verus
vigilansque Antistes & Doctor.

Utraque manu vineam Domini sui
excoluit,

Scholam Theologicam erexit atque
rexit:

Fidã docendi assiduitate suspiciendus,
Vitæ sanctimonia etiã probis
imitandus:

Vixit annos
LXXVII,

Obiit

Anno Salutis M. D. LXXXV.

Die XXII. Junii.

A Schwenc-

92 (164) 24

A SCHWENCFELD CASPAR
Eques.



*Sit gens clara licet, me sancta professio vitæ,
Et mea sancta magis, Relligioque jurvat.*

Caspa-

Casparus Schwencfeldius
ab Offiga, Eques nobilis Silesius.

Quum

Fidei propagandæ sacræ, quasi numine correptus,
se divinitus destinatum censeret, singu-
lari arrepto dogmate,

Eutychetis renovans errores,

pro

Sacro divini mynisterio, ἑυθυσετασμιδὸν ac motum
nescio quem Divinum suggerente

quod

Longè latèque disseminatum postea in Germania,
multos passim ex Equestri & plebejo ordine
habuit sectatores.

Cæteroquin corporis dignitate ac vitæ sanctimonia
Vir gravis & venerabilis

de

Religione plurimis supra LXXX. Germanica lingua
libris divulgatis.

Obiit

Senex, in Suevia mense Decembri

M. D. LXI.

THEO.

THEODORUS VITUS

Pastor Ecclesiae Noribergensis.



*Sacra Dei fidus colo Noride Doct̃or in urbe:
Quod dederat, reddo munus & ipse Deo.*

Vltus

Vitus Theodorus

Patria Noribergensis.

Academiae Wittebergensis alumnus vetus,
Philosophiae pariter & Theologiae studium amplexus
indefessum,

in illa

Magistri, in hac si minus nomen, at omen divino
assecurus numine Doctoris clarissimi,

Quod suis partim, partim Doctoris sui M. Lutheri ceu
judicis & approbatoris dignissimi, commentariis
Sacrae Scripturae in publicum editis, fatis
evidenter contestatus est;

revocatus ob id Noribergam, ac ministerio praepositus
Evangelico in aede Sebaldina.

Colloquio praeterea doctorum virorum de religionis
controversia adhibitus Ratisponae
in Comitibus

Anno

M. D. XLVI.

Magna vi eloquentiae & vitae sanctimonia
praeditus.

Obiit

in patria feliciter XXVI. Martii

Anno

M. D. XLIX.

VADIA.

VADIANUS JOACHIMUS

Medicus & Poëta.



*Phœbi cultor eram , medicæ studiosus & artis,
Ac melicæ , Galli consul in urbe bonus.*

Joa-

Joachimus Vadianus

Sangalli oppido Helvetiorum natus.

Poëta excellens, Mathematicus ac præsertim Geographus exactissimus

Quod ipsius in Pomponium Melam commentarii & trium orbis partium epitome demonstrant,

Medicinæ denique Doctor insignis, publicè in ea Viennæ Austriæ adeptus laureolam;

Adde etiam ea tum prudentia, tum integritate vitæ præditus, ut ei patria summum Magistratum ultrò detulerit.

Quin & Theologus sui seculi eximius,

Libris contra Enthusiastas sui temporis editis compluribus:

Opere præterea de Sacramentis fidei Christianæ scripto passim cognitus,

Lumen adeo disciplinarum omnium clarissimum:

Suarum virtutum gloria fruens, jam senex, placidissima felicissimaque morte beatam sui memoriam relinquens

è

vivis excessit

Anno

M. D. LI.

M

VESA-

VESALIUS ANDREAS

Archiatr Caesareus.



*Magnus honos, magni mihi credita cura Mo-
narchæ:*

Corporis humani fabrica, major honos.

An-

Andreas Vesalius

Bruxellis celebri Flandriæ urbe natus, Anno

M. D. XIV.

post

Philosophiæ universæ studia

Medicinæ utriusque scientiam adeptus planè singularem
in Italia, omnium studiorum parente & altrice,
Naturæ operum in omni vita perquam stu-
diosus, sed imprimis fabricæ corporis
humani cognoscendæ totus, Basi-
læ præsertim deditus.

Cui ipse non modo specimen artis & industriæ suæ scele-
ton munus hospitale, sed præterea etiam in utraq;
Medicina scriptos libros plurimos, & in his
præclarissimum illud de fabrica humani
corporis opus, posteris reliquit
omnibus suspiciendum:

Ob nominis celebritatem & artis præstantiam Caroli V.
Cæs. Aug. deinceps factus Archiater

Quo ipse munere, summa & fide, & auctoritate cum laude
functus, quum Palæstinæ visendæ studio, tum reli-
gionis, tum naturæ mysteriorum cognos-
cendorum causa, flagraret
incredibili,

Morbo correptus circa Zazynthum insulam repente
quidem, sed exitiali:

Obiit

Anno M. D. LXIV. Ætat. L.

Mense Octobrii.

M 2

WIRTH

WIRTH GEORGIUS

Archiater.

Ludovici Regis Hungariae & Boemiae.



*Carniole Ducibus, Regi dein Pannoniae
Gratus eram, Medica doctor in arte bonus.*

Geor-

Georgius Wirth
Leobergæ in Silesia natus

Anno
M. CCCC. LXX.

Post prima studiorum Tyrocinia
Plurimis atque optimis extra patriam ornatus
artibus:

Magisterii primo Lipsiæ Anno M. D. IX. dein
amplissimo Doctoris titulo in Medicina
decoratus Bononiæ

Anno
M. D. XV.

Quum ex Italia per Liburniam in patriam regredi
cogitaret,

Præter spem ac Votum Provinciæ illius Medicus quasi
divinitus delegatus

Quin & paulo post inlyto Ludovico Bojemix & Pan-
noniæ Regi designatus Archiaterus
à

Quo tandem ipse splendidiss. isto cum laude & dignitate
perfunctus munere, Budissinæ Lusatorum con-
stitutus Decanus, singularis ergò
meriti,

Literarii ocii sui symbolis relictis in omne
ævum perduratis.

Obiit

Gorlicii feliciter

Anno M. D. XIV. die IX. Mart.

Ætatis LIV.

M 3

WE-

WESENBECIUS MATTHÆUS
Juris - Consultus.



*Prompta fides , vis ingenii mihi prompta , vel
oris :
Seu scribo , doceo seu sacra jura pius.*

Mat-

Matthæus Wefenbecius

Antverpiæ, celeberrimo Europæ emporio natus,
familia nobili & patricia
anno

M. D. XXXI.

Quum præstantissimum ingenium contulisset ad sum-
mam juris civilis, & ad perfectam rerum
divinarum & humanarum
scientiam

Sub Gabriele Mudæo JC. Doctore Lovanii egregiè &
eruditus & exercitatus publicè privatimque:

Summum in utroque jure gradum unà cum fratre Ger-
mano Andrea, studiorum socio perpetuo,
consecutus,

Scriptor juris valdè peritus & Antecessor Jenæ primo,
dein Vitebergæ, eloquens pariter ac
doctus:

Ingenium, laborem, fidem suam promptam expedi-
tamque, quamdiù vixit, præbens
omnibus.

Antistes juris & justitiæ sacerdos
maximus,

Commentariis juris Methodicis & Responfis aliisque
egregiis operibus, de vera jurisprudentia
præclarè meritus

Obiit

Vitebergæ Anno ætatis

LV.

Salutis

M. D. LXXXVI.

M 4

XY-

❖ (176) ❖

XYLANDER GUILIELMUS
Philologus.



*Quàm benè Plutarchi Græcè sonat ante : La-
tine
Per me nunc loquitur tam benè Musa mei.
Gui-*

Guilielmus Xylander
Augustæ Vindelicorum natus,

Anno
M. D. XXX.

Magna utriusque linguæ cognitione egregiè
instructus

Et varia ac multiplice eruditione or-
natus,

Magister optimarum artium Basileæ designatus, Lite-
rarum Græcarum Professor Heidelbergæ fidelis
pariter ac diligens;

Præclaram nominis famam, & immortalem adeptus
gloriam, tum ex aliis scriptis Philologicis & Histori-
cis, tum ex optimis auctoribus, præsertim Græ-
cis partim recognitis, partim in Lati-
num sermonem conversis:

Quod vel Plutarchi, Dionis, Stephani, Strabonis,
Cedreni, aliorum opera abundè conte-
stantur.

Fatis concessit & naturæ præmatura morte

ANNO
M. D. LXXV.

Heidelbergæ sepultus,
Ætat. XL.

M 5

ZA-

ZASIUS HULDRICHUS

Juris - Consultus.



*Tam Sophiae Zasius, quam Juris Doctor in arte
Sum bonus : hoc passim fama susurrat anus.*

Hul-

Huldricus Zafius
Constantiæ, urbe Imperiali natus
Anno
M. CCCC. LXI.

Suorum temporum Jure-Consultus toto orbe
celeberrimus,

Primò Constantiæ in patria, dein Friburgi
Brisgovia Curia Præfectus,

post

Juris utriusque Doctorum cooptatus in
collegium :

In quo ipse interpretando, non viva solum voce, sed
& præclare scriptis commentariis quàm plurimis, ac
præterea de jure respondendo, maximam sibi
autoritatem & gloriam passim com-
paravit.

Academiae & Reipubl. Friburg. ornamentum
singulare,

Multis de ea nominibus, ac præsertim instau-
rando jure municipali benè
meritus

Concessit Naturæ, annum agens
LXXIV. VIII. Kal. Decembr.

ANNO
M. D. XXXV.

ZEL-

ZELLIUS MATTHIAS
Cæsarispergius , Argentin. Ecclesiæ Pastor.



*Me primum liquidam colit Argentina docen-
tem*

Clara fidem, Latio libero facta jugo.

Mat-

Matthias Zellius

Cæsarispergi in Alfatia natus,

Anno

M. CCCC. LXXVII.

Post Magisterii gradum Philosophici in Academia
cum laude adeptum,

Literis divinis impensè deditus.

Parrochus primum & sacerdos in æde D. Laurentii
factus Argentinae Anno

M. D. XXII.

post cœlesti illustratus veritatis cœlestis lumine,
primus Antichristianæ doctrinæ palam
adversatus,

magna Cleri invidia, & vitæ cum discrimine
magno

proffigatis ex Ecclesia superstitionibus,
fidelibus Bucero & Hedione adiutoribus,

Sanctam Evangelii doctrinam puram putam in urbe
docuit, annis XXVI. circiter,

Homo non doctrina tantùm, sed etiam Christianis
virtutibus, ac præsertim modestia, temperan-
tia, & caritate in pauperes in-
fignis.

Obiit placidè in Christo die IX. Januarii

Anno

M. D. XLIIX.

Vitæ LXXI.

Index

Index Virorum Literis illustrium quorum
Icones in hoc opusculo vifantur.

A Epinus Joannes	0
Agricola Rudolphus	2
Agrippa Henricus Cornelius	4
Alardus Amstelrodamus	6
Amerbachius Bonifacius	8
Anhaltinus Princeps	10
Apianus Petrus	12
Aventinus Joannes	14
B randus Sebastianus	16
Brentius Joannes	18
Bucerus Martinus	20
Budæus Guilielmus	22
Bughagius Joannes	24
Bullingerus Henricus	26
C alvinus Joannes	28
Chemnitius Martinus	30
Cisnerus Nicolaus	32
Cochlæus Ioannes	34
Copernicus Nicolaus	36
Cornarius Ianus	38
Crato Ioannes	40
Cruciger Casparus	42
Curio Cœlius Secundus	44
D raconites Ioannes	46
E berus Paulus	48
Eraſmus Defiderius Roterodamus	50
F agius Paulus	52
Fichardus Ioannes	54
Flacius Matthias Illyricus	56
Forſterus Ioannes	58
Fuchſius Leonhardus	60
G eſnerus Conradus	62
Geyleus Ioannes	64

Gra-

Index.

0	Gratarolus Guilielmus	66
2	Gryneus Simon	68
4	Gualtherus Rudolphus	70
6	H allerus Berchtoldus	72
8	Hartungus Ioannes	74
10	Hedio Casparus	76
12	Hessius Eobanus	78
14	Huffius Ioannes	80
16	Huttenus Hulderichus	82
18	Hyperius Andreas	84
20	J onas Justus	86
22	Langius Ioannes	88
24	Lassius Orlandus	90
26	Lavatherus Ludovicus	92
28	Lazius Wolfgangus	94
30	Lutherus Martinus	96
32	Lycosthenes Conradus	98
34	M agnus Albertus	100
36	Major Georgius	102
38	Marbachius Ioannes	104
40	Martyr Petrus Vermilius	106
42	Mathesius Ioannes	108
44	Melanchton Philippus	110
46	Milichius Jacobus	112
48	Münsterus Sebastianus	114
50	Musculus Wolfgangus	116
52	O ecolampadius Ioannes	118
54	Oldendorpius Ioannes	120
56	Oporinus Ioannes	122
58	P elicanus Conradus	124
60	Pfeffingerus Ioannes	126
62	Pirchmaierus Bilibaldus	128
64	Pistoris Modestinus	130
	Pistoris Simon	132
	Pragensis Hieronymus	134
	Ptolomeus Clajus	136

Quin-

Index.

Q uinterius Ioannes	138
R eisnerus Nicolaus	140
R henanus Beatus	142
S ambucus Ioannes	144
S arcerius Erasmus	146
S avanarola Hieronymus	148
S chalichius Paulus	150
S chneidevvinus Ioannes	152
S chönerus Ioannes	154
S chvvenefeld Casparus	156
S imlerus Iofias	158
S leidanus Ioannes	160
S toflerus Ioannes	162
S ulcerus Simon	164
T heodorus Vitus	166
V adianus Joachimus	168
V esalius Andreas	170
W irth Georgius	172
W efenbecius Matthæus	174
X ylander Guilielmus	176
Z afius Huldrichus	178
Z ellius Matthias	180

FINIS.



138
140
142
144
146
148
150
152
154
156
158
160
162
164
166
168
170
172
174
176
178
180



W 413 c

ULB Halle

3

002 164 027



8.


Handwritten signature or initials
A purple circular stamp is partially visible behind the handwriting.











ICONES

five

IMAGINES VIRORUM LITERIS ILLUSTRIUM

qui
Seculo XV. præsertim doctrina
Religionis aliarumque bonarum scien-
tiarum tanquam lumina in Germania
nostra claruere.

Olim

à

*Tobia Stimmero pictore suæ ætatis perfe-
ctissimo ad vivum expressæ & Nic. Reusnero
f. C. cum brevi descriptione eorum vitarum
& operum in lucem edita,*

nunc

Reipublicæ literariæ bono iterum re-
cusæ & ab interitu vindicatæ cura
& impensis

C. A. Z. J. C. A.



Francofurti ad Mœnum,

Typ. BALTHASARIS DIEHLI

ANNO M DCC XIX.